

國

朝

文

匯

國朝文匯甲集目錄

卷四十三

方苞

字靈泉號望溪安徽桐城人康熙丙戌進士官禮部侍郎有望溪集

劉後主論

于忠肅論

書韓退之學生代齊郎議後

書潘允慎家傳後

書涇陽王僉事家傳後

書楊維斗先生傳後

跋石齋黃公手札

再至浮山記

題天姥寺壁

左忠毅公逸事

高陽孫文正逸事

白雲先生傳

一

一

二

二

三

三

四

五

五

六

六

七

吏部侍郎姜公墓表

七

萬季野墓表

八

李剛主墓誌銘

十

方蔡如

字文翰號朴山浙江淳安人康熙丙戌進士官豐鄉縣知縣有集虛齋古文

讀史記游俠列傳

十二

記長老言

十二

書華豫原事

十三

奉政大夫陶君墓誌銘

十四

知惠安縣錢君墓誌銘

十五

魏世傑

字典士江西南鄉人

子產不與韓宣子玉環論

十八

漢陳湯唐和靈奎論

十八

王革

字秋史山東歷城人康熙丙戌進士有二十四泉草堂集

張氏產芝記

二十

冶源紀遊

二十

明安平知縣孔公傳

二十一

劉青黎字太乙河南襄城人康熙丙戌進士遷府吉士有高陽山人集

讀平原君傳

二十二

台州方氏族譜序

二十二

叙麟遊縣知縣楊公蓮峯軍功

二十三

張孝廉公傳

二十四

李孝子傳

二十五

梅節婦傳

二十五

余甸原名祖訓字田生福建福清人康熙丙戌進士官順天府丞

程編修傳

二十七

韓晉之傳

二十七

魏世徵字昭士江甯都人

里克伍奢論

二十八

王阮亭詹事南行誌序

二十八

鄭任鑄號魚門福建侯官人康熙丙戌進士官湖南巡撫

河道總督恪勤陳公墓誌銘

三十

孫

鵬字國南雲南昆明人康熙戊子舉人官泃水縣知縣有國南文集

鎮沅雙澤泉記

三十三

國朝文匯甲集卷四十三

劉後主論

昔成湯之世伐夏救民皆伊尹主之而湯若無所事也周武王之世  
公主之而武王若無所事也蓋大有為之君苟得其人常以國事推之而已不與  
無壅制之患而功可成大有為之臣必度其君之能是而後以身任焉故無拂志之  
行而言可復亡國之君若劉後主者其為世詬厲也久矣而有合於聖人之道一焉  
則任賢勿貳是也其奉先主之遺命也一以國事推之孔明而已不與世猶曰以師  
保受寄託威望信於國人故不敢貳也然孔明既歿而奉其遺言以任蔣琬董允者  
一如受命於先主及琬與允歿然後以軍事屬姜維而維亦孔明所識任也夫孔明  
之歿其年乃五十有四耳使天假之年而得乘司馬氏君臣之瑕釁雖北定中原可  
也即琬與允不相繼以歿亦長保蜀漢可也然則蜀之亡會漢祚之當終耳豈後主  
有必亡之道哉抑觀先主之敗於吳也孔明曰法孝直若在必能制主上東行是孔  
明之志有不能行於先主也而於後主則無不可行嗚呼使置後主之他行而獨舉  
其任孔明者以衡君德則太甲成王當之有愧色矣

于忠肅論

孔子曰可與立未可與權易之道正或有過而中則無之中非權不得而遺事之變則尤難明景泰中于忠肅公不爭易儲為之解者曰公陰爭之而不敢暴也或曰景泰有定國之功有天下者宜其子孫是皆未得公之心也宋太宗挾傅子之私而光美德昭不得良死季桓子有疾命正常曰南孺子之子男也則以告而立之女也則肥也可桓子卒康子即位既葬康子在朝南氏生男正常載以如朝曰夫子有遺言南氏生男則以告於君大夫而立之康子請退公使共劉視之則或殺之矣方景泰帝決志易儲爭者雖盈廷不足忌而公則其身之所由以立也敷在社稷中外之心繫焉公有言則心孤而慮變矣帝之度量未必遠過宋太宗而威權則十百於康子是乃公之所心悸也南城高樹之伐殆哉岌岌乎而敢輕試哉魯昭公之出也叔孫姑自祈死而不誅其司馬驥戾先儒病焉不知姑之心亦猶是也春秋時強家脅權而相滅者無國無之季氏之惡稔矣其不動於惡以國制於已而昭公在外為不足忌耳若姑誅驥戾則季氏之慮變矣非獨叔孫氏之憂吾恐國人聱卜筮之賊復興而公衍公為不得復安於魯也為叔孫計必能力誅季氏定昭公而後可加刃於驥戾故不得已而以死自明此叔孫之明於權也吾因正常而得于公之義又因子公而得叔孫姑之心故拉論之使遭變而處中者有以權焉

書韓退之學生代齋即議後

異哉韓子之議薦享以為齋即之事而學生不得兼也夫離道德與事物而二之者末學之失也古之教者學者精粗本末未嘗不相貫雖灑掃應對皆以順性命之理而況薦享以交於神明乎稽之尚書周官禮記割牲制祭天子實躬親之其得與於薦享者非顯諸侯則達官之長與貳乃以為賤者之役而學生不得為嗚呼其亦不思之甚矣動作禮義威儀之節君子所以定命也反不得與能文通字書比重用事於宗廟社稷之地至於思慮之不固容貌之不莊則其人頽惰萎靡不能有立可知矣乃見謂通經而冀其有贊於教化是何本末名實之交眩與曰慮其不習也嗚呼使學者舍其所當習而攻其所不必習末世之政禍民者非一端而此其本也射御戰陳之不得而以付於悍卒武夫理財決獄之不得而以委之胥吏皆齋即薦享之類也茲與亂循生斯人惴惴而莫必其命實由於此而韓子猶未之悟與夫古者學有大小而道不分於精粗任有大小而人不分於貴賤故於學無遺理於人無抑林自魏晉以還尚浮言別流品而隋唐益厲之以科舉於是乎學者舍其所當習而鶩於無實之文詞習於此者斯以為賢得於此者斯以為貴而先生之道鬱不行者越數百年夫所貴乎豪傑之士者謂能識道之歸而不溺於習也以韓子之智而猶蔽



於此況以中材處晦世而能無眩哉是故先王慎所以導民者誠畏其習也

書潘允慎家傳後

辛未九月二十一日日將暮檢架上散帙見濟甯諸生潘允慎家傳載其衝擊流寇脫祖母死地奮身蹈火出兄於燔新市屋長吁夜參半不能寐蓋惟明之亡事與古異君非有涼德也朝非有暴政也眾非有離心也無食無兵池涇城圯梟張之賊勢如猛火而守令堅官奮死守禦殺身殘家而不悔者無地無之薦紳士民廟哭巷戰戶號人厲併命於鋒鏑者無地無之其如允慎之保身與親泰然而無患者千百中無十一也蓋至懷宗愍帝嗣位而累世之忠良已盡於逆閹之斷喪矣其未罹門戶之禍如孫高陽盧象昇孫雁門諸公復危死於奸僉之擠陷故自周延儒溫體仁得君以後凡內服大僚外秉節鉞久安而無患者皆巧佞奸欺庸鄙忍心之人也社稷之傾危生民之禍亂漠然不以闕其慮而明謀私計詔附權要惟恐失意於幾微武夫則無小無大皆痛心於文臣之節制言路之紛糾轉以養賊脅上為自安之計是以人主孤立於上蒸黎糜沸於下土崩魚爛一清而不可收豈非天命遐終故多生亡國之材使恣於民上而剛正憂勤恭儉之君亦陰奪其鑒使嗜奸人之疚味以至於敗國殞身而不寤與嗚呼此又自古亡國輶迹之一變也

書涇陽王僉事家傳後

國之將興其時非無姦險陰賊之臣也政教方明而賢者持其樞柄則務自矯革以取所求或伏抑而不敢逞國之將亡姦險陰賊之臣必巧造機會以當主心而賢人君子少得事任常有物焉以敗之若是者豈人之所能為哉涇陽王僉事檄當明崇禎朝以邊才由司理擢按察司僉事監登萊軍未閱月軍變落職歸田里甲申三月間懷宗啟帝殉社稷七日不食死公少時即慕諸葛武侯演八陣圖倣木牛流馬制械器皆可試用其家居見流賊猖獗倡築魯橋城以保涇原鄉人賴之屢令監軍登萊得期月之暇撫循士大夫則兇弁無從煽亂而公之才實可顯見矣乃方起遽路持國論者不信罪之有無而輕棄之此可為流涕者矣然公之功能猶未著也孫高陽父鎮邊關功在社稷而廢棄八年卒使城破巷戰闔門就死其所遇乃憂勤恭儉之君親見其困於逆閹又賴其力以收畿疆紓國難而終奪於姦險豈非天哉少師為諸生時即徒步歷諸邊以天下為己任蓋其始也不以事任之不屬而弛其憂其終也不以事任之不屬而讓其死是則諸君子所自為正而不聽命於天者夫

書楊維斗先生傳後

辛未壬申間余在京師時四明萬季野為橫雲山人草創明史凡魏忠賢餘黨駢訛

東林復社諸君子者雖有小善必摘發其心術使不能掩大惡一時馳逐聲氣之士雜然曰東林始於高顧忠憲無遺議矣涇陽退居鄉里而遙執朝柄進退海內士大夫豈君子所為復社始於張楊海內朋從者萬餘人楊以鄉貢士里居而逐顧秉謙於吳門屏呂純如錢商肅使士大夫不得與之齒自古處士橫議其氣餒未有至於斯極者時吳門汪武曹何此瞻亦好持清議為之氣噓而吾友北平王崑繩惡鄒南阜主議殺熊廷弼亦謂迂儒豈知天下大計宣城梅定九西江梁質人慈谿姜西溟各有論辨以質於余余正告之曰凡所為清議者皆忠於君利於民之言也而忠於君利於民未有不害於小人之私計者故小人不約而同仇即用其言以擠之以為是乃心非菴議誇主以為名者也由是忠良危死於非罪而無道可以自明故君子之有清議不獨在位之小人嫉之即未進之小人亦嫉之蓋自度異日所為必不能當夫人之意也不惟當時之小人惡之即後世之小人亦惡之以為吾君一旦而有鑒於前言則吾儕之術不可以復騁也三君子頗誦吾言由是倡為是說者多病之嗟乎顧楊二先生之事誠少過於中然當是時宗社之滅亡無日矣人主孤立無輔於上小民困死無告於下而羣奸盤結於中故不得已而呼號憤發置其身於死地以冀君之一寤即古忠臣孝子枕干之義也如謂諸君子以清議冒怨於小人則宋之程

宋未聞遙執朝柄與奸人相角等而上之則孔子之溫良恭儉言不過物而當其時已不免伐檀削迹之怒矣凡羣小所指為非諉以陷忠良者乃黃帝之明堂唐堯之衢室有虞氏之旌夏后氏之鼓殷湯之總街周武之靈臺所側席以求之虛中以聽之舍已以從之者也漢唐宋明舍二三誼主而外亂政涼德奸人敗類無世無之惟禍延於清議誅及於清流則其亡也忽焉蓋必如是然後忠良凋盡百度皆昏而國無與立也秀水朱竹垞曾於吳江吳扶九所得復社姓名錄以其後事徵之死於布褐而無聞焉者十之三當官不苟學行顯於四方者十之六自毀其名行者特十一耳明福王時阮大鍼上言孔子之門人三千而楊氏聚徒有萬不反何待御史王竇鼎繼上復社渠魁一疏必欲置先生死地自古善人以氣類相感召未有若復社之盛小人誣善之辭亦未有若魏黨之可駭詫者而易代以後猶有謂先生為已甚者人心之陷溺若此君臣朋友之道蓋幾乎息矣康熙戊午睢州湯文正自監司復入翰林充明史纂修官奏順治九年

世祖章皇帝特旌明臣范景文倪元璐劉理順等從莊烈愍帝死社稷者請元年二年前抗拒本朝臨危致命諸臣據事直書無庸瞻顧

聖祖仁皇帝嘉與頒之史館以為成命由是明季諸賢義烈皆得顯見乾隆六年明

史成先生之孫繼武以本傳辭事太略請余別為文以識之余曰無以為也萬氏所定史彙以先生與徐公汧合傳謂並死於水今欽定之史已正其誤矣臨刑不屈首已墜而聲從項出既大書特書則小者不足道矣惟逐秉諫屏呂錢之義與涇陽之顯明臧否至今為淫辭所蔽晦故表而出之九原可作當以余為知言而暢然於鄙夫質儒五藏之癥結可一朝而盪滌也

跋石齋黃公手札

公與寶應喬侍御手札十有四其十有二皆短札乃崇禎十五年自成所復召入都晨夕往復語也長言者二時則引疾南還越中諸賢築學舍留公講問而侍御適為巡按一畚其始至通問之書一將以使事反命而特致之考公之事莊烈愍帝陳言對命無一不與帝心相違二三執政祖魏忠賢故知力排異己公三進三逐廷杖八十移獄鎮撫司考掠者四一朝而脫囚籍則於政事之得失君子小人之消長凡有見聞無不與同心者思所以挽正及引身以退匿跡於嵒巖深谷之中而民生之苦病吏治之煩苛軍事之失圖柄臣之誤主身在局外猶責其友以必言而冀君之一寤蓋君子所性根於心而不能自己者如此嗚呼莊烈愍帝嗣位於國勢傾危之日一時忠良雖觸忤憎惡偶有感發未嘗不幡然易慮而親之任之也然卒之如公如

念臺劉公志在竭忠而窮於效忠之無路如孫文正如盧忠烈志在奮死而扼於投死之非時皆由媚嫉之臣相繼而居腹心之地其術百變能使東西易面人主自為轉移而不覺耳如而夫者不能放流乃與之朝夕深言於帷幄雖當平世猶不能無生亂階况屯難已成之後乎聖人繫易謂難之解驗在小人之退而於五發之位乎天位者可不服念哉

### 再至浮山記

昔吾友未生北固在京師數言白雲浮渡之勝相期築室課耕於此康熙己丑余至浮山二君子猶未歸獨與宗六上人遊每天氣澄清步山下巖影倒入方池及月初出坐華嚴寺門廡望最高峯之出木末者心融神釋莫可名狀將行宗六謂余曰茲山之勝吾身所歷殆未有也然有患焉方春時士女雜至吾常閉特室外鍵以避之夫山而名心為遊者所敗壞若此辛卯冬南山集禍作余牽連被逮竊自恨曰是宗六所謂也又十有二年雍正甲辰始荷

聖恩給假歸葬八月上旬至樅陽卜日奉大父柩改葬江甯因展先墓在桐者時未生已死其子移居東鄉將往哭而取道白雲以返於樅至浮山計日已迫乃為一昔之期招未生子秀起會於宗六之居而遂行白雲去浮山三十里道曲難遇陰雨輒

不遠又無僧舍旅廬可託宿故余再欲往觀而未能既與宗六別忽憶其前者之言為不必然蓋路遠處幽而遊者無所取資則其跡自希不係乎山之名不名也既而思楚蜀百粵間與永柳之山比勝而人莫知者眾矣惟子厚所經則遊者亦浮慕焉今白雲之遊者特不若浮渡之雜然耳既為眾所指目徒以路遠處幽無所取資而幸至者之希則曷若一無聞焉者為能常保其清淑之氣而無遊者猝至之患哉然則宗六之言蓋終無以易也余之再至浮山非遊也無可記者而斯言之義則不可沒故總前後情事而並識之

題天姥寺壁

癸亥仲秋余尋醫浙東鮑甥孔巡從行抵嵊縣登陸問天姥山肩輿者曰小邱耳無可觀者但山下有古樹介寺基與園圃之間園者將薪之僧以質於官不能辨也雷破而中分之木身煨燼者十之七自上科至下根斬然離絕近三尺其旁之依皮而存者僅矣而枝葉蔚然於今數百年至山下果如所云即而視其樹則中焦者可爪而驗也鮑甥曰嘻咄哉李白之詩乃不若與夫之言之信乎余曰詩所云乃夢中所見非妄也然即此知觀物之要矣天下事必見之而後知行之而後難凡以意度想像而自謂有得者如趙括之言兵殷浩之志恢復近世浮慕陸王者之談性命皆夢

中語也。而昧者多信為誠然。若目擊而心通。或實有師承。則人雖微。其言不可忽。如臨清老人之分河流。蜀木工之解未濟。是也。物之生也。若驟若馳。吉凶倚伏。顛倒大化中。當其時。不自覺也。惟達者乃能見微。而審所處。假而茲樹非殘於雷火。必終歸於新。是震而焚之。乃天所以善全其生。而使之愈遠。而彌存也。鮑甥曰。斯言也不可棄。遂書於壁。使覽者觸類而得其所求思焉。

### 左忠毅公逸事

先君子嘗言。鄉先輩左忠毅公。視學京畿。一日風雪嚴寒。從數騎出。微行入古寺。廡下一生伏案。因文方成。草公閱畢。即解貂覆生。為掩戶。叩之寺僧。則史公可法也。及試。吏呼名至史公。公瞿然注視。呈卷。即面署第一。召入。使拜夫人。曰。吾諸兒碌碌。他日繼吾志事。惟此生耳。及左公下獄。獄吏朝夕獄門外。逆關防伺。甚嚴。雖家僕不得近。久之。聞左公被炮烙。旦夕且死。持五十金。涕泣謀於禁卒。卒感焉。一日使吏更敝衣草屨。背筐。手長鑱。為除不潔者。引入。微指左公處。則席地倚牆而坐。面額焦爛。不可辨。左膝以下。筋骨盡脫矣。史前跪抱公膝而嗚咽。公辨其聲。而目不可開。乃奮臂以指撥眦。目光如炬。怒曰。庸奴。此何地也。而汝來前。國家之事。糜爛至此。老夫已矣。汝復輕身而昧大義。天下事誰可支柱者。不速去。無俟姦人搆陷。吾今即撲殺汝。因



橫地上刑械作投擊勢。史噤不敢發聲。趨而出。後常流涕述其事。以語人曰。吾師肺肝皆鐵石所鑄造也。崇禎末。流賊張獻忠出沒蘄黃潛桐間。史公以鳳廬道奉檄守禦。每有警。輒數月不就寢。使將士更休。而自坐幄幕外。擇健卒十人。令二人蹲踞而背倚之。漏鼓移則番代。每寒夜起。立振衣裳。甲上冰霜迸落。鏗然有聲。或勸以少休。公曰。吾上恐負朝廷。下恐愧吾師也。史兵治兵往來桐城。必躬造左公第。候太公太母起居。拜夫人於堂上。余宗老浮山左公甥也。與先君子善。謂獄中語乃親得之於史公云。

高陽孫文正逸事

杜先生界嘗言歸安茅止生習於高陽孫少師。道公天啓二年。以大學士經略薊遼。置酒別親賓會者百人。有客中坐前席而言曰。公之出始。吾為國慶。而今重有憂。封疆社稷寄公一身。公能堪備物自奉。人莫之非。如不能雖毀身家。責難追。况儉穀乎。吾見客食皆鑿而公獨飯粗。飾小名以鎮物。非所以負天下之重也。公揖而謝曰。先生誨我甚當。然非敢以為名也。好衣甘食。吾為秀才時固不厭。自成進士釋褐而歸。念此身已不為己有。而朝廷多故。邊關日駭。恐一旦肩事任。非忍饑勞。不能以身率眾。自是不敢適口體。強自勗勵。以至於今。十有九年矣。嗚呼。公之氣折逆奄。明周萬

事合智謀忠勇之士以盡其材用危困瘡痍之卒以致其武唐宋名賢中猶有倫比至於誠能動物所糾所斥退無怨言叛將遠人咸喻其志而革心無貳則自漢諸葛武侯而後規模氣象惟公有焉是乃克已省身憂民體國之實心自然而恢乎天下者非躬豪傑之才而概乎有聞於聖人之道孰能與於此然惟二三執政與中樞邊境事同一體之人實不能容易曰信及豚魚媚嫉之臣乃不若豚魚之可格可不懼哉

### 白雲先生傳

張怡字瑤星初名鹿徵上元人也父可大明季總兵登萊會毛文龍將卒反誘執巡撫孫元化可大死之事聞怡以諸生授錦衣衛千戶甲申流賊陷京師遇賊將不屈械繫將肆掠其黨或義而逸之久之始歸故里其妻已前死獨身寄攝山僧舍不入城市鄉人稱白雲先生當是時三楚吳越耆舊多立名義以文術相高惟吳中徐昭發宣城沈眉生躬耕窮鄉雖賢士大夫不得一見其面然尚有楮墨流傳人間先生則躬樵汲口不言詩書學士詞人無所求取四方冠蓋往來日至茲山而不知山中有是人也先君子與余處士公佩歲時問起居入其室架上書數十百卷皆所著經說及論述史事請貳之弗許曰吾以盡吾年耳已市二甕下棺則并藏焉卒年八十

有八平生親故夙市良材為具棺槨疾將革聞而泣曰昔先將軍致命危城無親屬視含殮雖改葬親身之裨弗能易也吾忍乎顧視從孫某趣易棺定附身衾衣乃卒時先君子適歸皖桐反則已渴奠矣或曰書已入壙或曰經說有貳尚存其家乾隆三年詔修三禮求遺書其從孫某以書詣郡太守命學官集諸生繕寫久之未就先生之書余心嚮之而懼其無傳也久矣幸其家人自出之而終不得一寓目焉故并著於篇俾鄉之後進有所感發守藏而傳布之毋使遂沈沒也

吏部侍郎姜公墓表

公諱楠字崑麓山西太原府保德州人祖諱名武明崇禎末流賊寇開封力戰死之贈右都督父諱宗昌順治壬辰進士公性沈毅慷慨有大志少孤貧致勤於學而不欲以文士自名既成進士久之授麻城令年五十餘矣自縣令六遷而至吏部侍郎其令麻城也未三年而入為行人踰年擢戶科給事充已卯江南鄉試副主考未返命遽鴻臚寺少卿提督浙江學政既事赴闕擢都察院右僉都御史六日遷左副都御史踰年遷工部右侍郎兼攝刑部右侍郎事尋改吏部右侍郎時

天子嚮公甚殷天下士皆想望風采而公遽以疾卒公始之官以車一乘僕二人麻城故壯縣訟獄紛綸盜賊數起公至逾月不出一令邑人大驚其老奸宿豪皆曰令

如虎方病未可測也。平時訴縣庭者日數十百人。公為期五日一收告。令訟者立堂下。次第傳訊。每就單辭摘發其隱私。立責而遣之。自是訟期求直者乃數人耳。功令凡劫盜不時獲守土者奪官。用此吏皆諱盜而苛責被劫者。誣污拷掠困辱過於失財。由是被劫者例以竊報。雖捕獲終無死法。苟置之死。監司以上轉得持短長。由是盜益逞。民益蹙。公始至。盜發即持卷詣大府曰。此劇盜也。雖以竊聞。獲必殲焉。大府許諾。獲九人。即日杖殺其七。餘斃獄中。自是終公任境內皆宴眠。公之按試兩浙也。舟行過北新關。關吏難之。公怒使告曰。吾行裝具在。果有私財。速揭報不者。吾奉天子命按試諸生。而若以賄要商民。因可知矣。吾止此。今拜疏入告。司關者大寤。躬至舟次謝罪。請行。自是所至有司貪縱者畏公如大府。公自戊午舉於鄉。即以文名京師。至乙丑始成進士。待選又十餘年。學使者爭迎致。嘗偕山左劉公木齋至江南。刮除舊習。南士爭先學古。已卯榜揭。不遇者皆頌公之明。浙東西建督學祠。春秋時祀至今不廢者。惟公及顏編修光燾耳。公生平雅不欲以文學知名。而所表褫大抵皆文事。其給事戶科未數月。而有江南之命。返自浙。始列於九卿。而疾作矣。所欲自見於世者。概不得設施。此余所以深惜於公。而又不獨為公惜也。余始見公於督學宛平。高公使院高以國士遇余。公實啓之。及公主試。而余適為選首。例執弟子之禮。

以見公三辭曰此世俗之淺意也子不見傾涇陽孫柏潭已事乎余對曰吾不敢為世俗之所驚也且始見時公年長以倍矣然公每接余周旋談笑必雜以朋友之禮與辭癸未仲夏見余於廣陵一夕酒半自述中歲寢艱血氣早衰而憂後嗣之弱余愴然心動蓋自是不獲與公再見矣余聞公喪以老母衰疾未克赴弔無何而身及於難忽忽至今念此生終不獲哭公於墓道乃述所親得於公者以為表而歸其孤其行身處家涖官之詳無所考驗故信以傳信而不敢有溢美之言然即余所知之一二亦足想見公之為人公卒於康熙甲申十月年五十有八以丙戌十月朔後二日葬於州西理賢陵前夫人李氏祔後夫人呂氏子宏焯康熙己亥秋九月朔後四日江東門人方苞表

萬李野墓表

李野姓萬氏諱斯同浙江四明人也其本師曰念臺劉公公既沒有弟子曰黃宗羲黎洲浙人聞公之風而興起者多師事之而李野與兄充宗最知名李野少異敏自束髮未嘗為時文故其學博通而尤熟於有明一代之事年近六十諸公以修明史延致京師士之遊學京師者爭相從問古儀法月再三會錄所聞并講肄惟余不與而李野獨降齒德而與余交每曰子於古文信有得矣然願子勿溺也唐宋號為文

家者八人其於道粗有明者韓愈氏而止耳其餘則資學者以愛玩而已於世非果有益也余輟古文之學而求經義自此始丙子秋余將南歸要余信宿其寓齋曰吾老矣子東西促促吾身後之事預以屬子是吾之私也抑猶有大者史之難為久矣非事信而言文其傳不顯李興曾輩所譏魏晉以後賢好事迹並暗昧而不明由無遷固之文是也而在乎則事之信尤難蓋俗之偷久矣好惡因心而毀譽隨之一室之事言者三人而其傳各異矣况數百年之久乎故言語可曲附而成事迹可鑿空而構其傳而播之者未必皆直道之行也其聞而書之者未必有裁別之識也非論其世知其人而具見其表裏則吾以為信而人受其枉者多矣吾少館於某氏其家有列朝實錄吾默識暗誦未敢有一言一事之遺也長遊四方就故家長老求遺書者問往事旁及郡志邑乘雜家誌傳之文靡不網羅參伍而要以實錄為指歸蓋實錄者直載其事與言而無可增飾者也因其世以考其事覈其言而平心以察之則其人之本末可八九得矣然言之發或有所由事之端或有所起而其流或有所激則非他書不能具也凡實錄之難詳者吾以他書證之他書之誣且濫者吾以所得於實錄者裁之雖不敢具謂可信而是非之枉於人者蓋鮮矣昔人於宋史已病其繁蕪而吾所述將倍焉非不知簡之為貴也吾恐後之人務博而不知所裁故先為之

極使知吾之所取者有可損而所不取者必非其事與言之真而不可益也。子誠欲以古文為事，則願一意於斯，就吾所述約以義法而經緯其文。他日書成，記其後曰：此四明萬氏所草創也。則吾死不恨矣。因指四壁架上書曰：是吾四十年所收集也。踰歲，吾書成，當並歸於子矣。又曰：昔遷固才既傑出，又承父學，故事信而言文。其後專家之書才雖不逮，猶未至如官修者之雜亂也。譬如入人之室，始而周其堂，寢隱，馮焉繼而知其蓄產禮俗焉。久之，其男女少長性質剛柔，輕重賢愚，無不習察。然後可制其家之事也。官修之史，倉卒而成於眾人，不暇擇其材之宜與事之習，是猶招市人而與謀室中之事耳。吾欲子之為此，非徒自惜其心力，吾恐眾人分操割裂，使一代治亂賢奸之迹暗昧而不明。子若不能，則他日為吾更擇能者而授之。李野自志學，即以明史自任。其至京師，蓋以羣書有不能自致者，必資有力者以成之。欲竟其事，然後歸。及余歸，踰年而李野竟客死。無子弟在側，其史藁及羣書遂不知所歸。余適遭軼軻於所屬史事之大者，既未獲從事而傳誌之文亦久而未就。戊戌夏六月，卧疾塞上，追思前言，始表而誌之。距其沒蓋二十有一年矣。李野行清而氣和，與人交久而益可愛。敬其沒也，家人未嘗訃余。余母欲赴其家弔問而未得也。故於平生行迹莫有叙別而獨著其所關明於史法者。李野所撰本紀列傳凡四百六十卷。

惟諸志未就其書具存華亭王氏淮陰劉永楨錄之過半而未全後有作者可取正焉

### 李剛主墓誌銘

李堪字剛主直隸蠡縣人其父孝愍先生與博野顏習齋為執友剛主自束髮即從之遊習齋之學其本在忍嗜欲苦筋力以勤家而養親而以其餘習六藝講世務以備天下國家之用以是為孔子之學而自別於程朱其徒皆篤信之余嘗謂剛主程朱之學未嘗不有事於此但凡此乃道之法迹耳使不由敬靜以探其根源則於性命之理知之不真而發於身心施於天下國家者不能曲得其次序剛主色變為默然者久之吾友王源崑繩恢奇人也所慕惟漢諸葛武侯明王文成而目程朱為迂闊見剛主而大說因與共師事習齋時年將六十矣余詰之曰眾為我目空並世人非也果有人敢自侈大乎剛主嘗為其友治劇邑期年政教大行用此名動公卿間諸王廷經師主間外者爭欲致之堅不就康熙庚午嘗舉乙科晚歲授通州學正決月以母老告歸長官不能奪也崑繩慨不快意既葬二親遂漫遊將求名山大壑而隱身焉雖妻子不知其所之余與剛主每感然長懷而無從迹之數年忽至余家曰吾求天下士四十年得子與剛主而子篤信程朱之學恨終不能化子為是以來



留兼旬。盡發程朱之所以失習齋之所以得者。余未嘗與之爭。將行。憮然曰。子終守迷。吾從此逝矣。使百世以下。聰明傑魁之士。沈溺於無用之學而不返。是即程朱之罪也。余作而言曰。子之言盡矣。吾可以言乎。子毋視程朱為氣息奄奄人。觀朱子上孝宗書。雖晚明楊左之直節。無以過也。其備荒浙東。安撫荊湖西漢。趙張之吏治。無以過也。而世不以此稱者。以道德崇閣。稱此轉盼乎。其小耳。吾姑以淺事喻子。非其義也。雖三公之貴。避之若浼。子之所能信於程朱也。今中朝如某某子。夙所賤惡。倘一旦揚子於朝。以學士或御史中丞徵子。將亡命山海而義不反顧乎。抑猶躊躇不能自決也。吾願子歸視妻孥。流行坎止。歸潔其身而已矣。崑繩自是終其身。口未嘗非程朱。其後余出刑部獄。剛主來信。以語崑繩者。語之。剛主立起自責。取不滿程朱語。載經說中。已鐫版者。削之。過半。因舉習齋存治存學二編。未愜余心者。告之。隨更定曰。吾師始教。即以改過為大子之言然。吾敢留之為口實哉。習齋無子。剛主中歲遷博野為葺祠堂。以收召學者。博野去京師三百里。剛主自來。信後復三至余家。一問吾母之疾。再弔喪終。則自計衰癯。恐不能更出。而就別余。驅柴車。長子習仁御。往近芻秣。皆載車中。知余時窶且艱也。嗚呼。即是而剛主之勤於身。式於家。施於人。而措注於事物者。居可知矣。剛主言語溫然。終日危坐。肅敬而安和。近之者不覺自斂。

抑以崑繩之氣既老而為剛主屈以剛主之篤信師學以余一言而翻然改其志之不欺與勇於從善皆可以為學者法故備詳之而餘行則不具焉剛主卒於雍正某年月年七十有幾父諱某君母馬氏生母馬氏明錦衣衛某官女明亡家落歸孝慈生剛主兄弟妻某氏子三人長習仁早夭次習禮次習某皆邑庠生以某年某月某日葬於某鄉某原銘曰

習齋矢言檢身不力口非程朱難免鬼責信斯言也趨本無岐各從所務安用詆嫫君承師學固守樊垣老而大覺真流同源不師成心乃見大原改過為大前聞是尊琢瑕徐瑜有耀師門九原相見宜無間言

讀史記游俠列傳

方榮如

深乎太史公之序游俠也。心之痛者不能緩聲。其諸黨奉之兵諫也。與不以原嘗四公子之徒當之。而致意于布衣之俠。危使者之逸在布衣也。上之人之使才不盡也。宋文帝詰何尚之曰。使孔熙先年將三十。作散騎郎。那不作賊。嗚呼。又況并散騎郎不得者乎。而天后得徐敬業。檄讀之。亦曰。宰相安得失此人。御得其道。狙詐作使。劇孟郭解之徒。行雖不軌於義。然皆有絕異之姿。設處之使不失職。如醫者之素藏雞毒鳥頭以待用。比之齊隸拊髀。楚客潛竄。豈不猶愈乎爾。而不自收拾。聽其以霸心勇氣浮沈閭里。蘇和仲有言。不知其能。葉項黃藏布褐以終老乎。抑輟耕太息以俟時也。夫游俠之不為勝廣。而並不為張元昊。是也。幸也。太史公危之。則序之。而寄其語於條侯曰。吳楚舉大事。而不求劇孟。吾知其無能為已。於是遂言曰。天下騷動。宰相得之。若得一敵國云。而又別載朱家救李布語。於布傳曰。此不北走胡。即南走越。夫李布亦為氣任俠者也。朱家之徒也。蓋太史公之回互其詞。為國家致意若此。而班氏以為進姦雄。理其璞者。徒謂遭李陵之禍。交游莫救。故有激云爾。善哉乎。蘇氏之論春秋也。夫子作春秋。以公天下。而子貢之徒。以為孔氏之書也。與嗚呼。得吾說也。以往。雖并以讀刺客傳可也。

記長老言

出金壇郭門南徑三十里。為長鴻湖。濱湖有墓高四尺。木數拱矣。黝然如銅鐵。而樞  
紐皆以三相繆。視其肆亦如之。余詢諸長老。長老曰。嘻。此三烈女葬處也。烈女者。王  
氏。其二為同產。其一為諸姊妹。大兵之初。下江南也。曲阿以東。賊蠟起。而金壇倪  
文炳為之魁。文炳力兼數輩。好大言。其掠人也。嘗以盡。過哺則攻剽。休曰。吾不如諸  
君之似鼠者。當是時。烈女家濱湖。年各十六七。以往。三人相從。紡績。鵲然已。而辟  
寇。隨母兄。延緣葦間。日且入。則相率歸其居。旦起復避去。以為常。一日。遣僕渡岸。  
西市少食物。而遇賊。方晝掠歸。欲兵之。問誰與主人翁者。僕怖道而之。葦間賊掠無  
所得。而顧有三女子在焉。遽劫縛登筏以去。中流三女則大呼泣且誓。而視賊方持  
已急。因跌蕩不自止。良久。筏傾。三女子死焉。賊十數輩亦胥溺。無一脫者。方賊之劫  
三女去也。離而行。每一女子。輒兩賊夾之。背反援牢甚。明日屍浮水上。縛盡弛。三女  
子攜手如平生。而髮相靡。類有締結之者。家人瘞諸湖濱。為表以樹。茲四尺者墓也。  
於今甲申六十年所矣。余聞而識之。後十五年。戊戌。居京師。從容與同年王太史弱  
林語前事。太史蓋烈女羣從弟也。為言長老語良是。又言烈女之斂也。無棺。其家以  
故匱之。級三重者藉幹而裹。拊之初所遺僕阿寄也。後死於牖下。無他。而賊之渠魁

倪文炳者卻烈女死一年遂殲於鹽義儲氏

### 書華豫原事

無錫有奇士曰華豫原方歲乙未撫吳儀封張公坐事逮部使者偕制府即訊于潤州而甯管公城隍廟甲而守之生綽如乳虎非著門籍不得輒出入門生故吏無敢嚮通者豫原聞難自無錫疾馳一晝夜踰三百里至京口唁馬既抵廟門不得入而顧見有官人傳呼來帶弓韉騎而從者數人至門門馬者皆卻立官人下馬入從者皆入豫原則聞然隨之入數折而達張公請室門外即又不得入徘徊往來所以屬其門者方故萬端然卒不得入門者曰客何為者始吾以客為從官人來故不誰何客乃今知妄男子耳不去且得罪制府怒不可犯也豫原大笑應曰若乃以制府嚇我耶向令吾惴惴制府者吾安得來此且天下事不可知往者張公嘗與鳴禮訟矣部使者按事至再無直張公者賴

一 天子明聖張公撫吳自如而鳴禮卒抵罪以去此近事予今未冷今張公雖就逮萬

上復有後命如異時事若等何面目復見張公言已則索筆大書其爵里名姓付門者達張公所曰可達達之不可則以此紙上制府言狀惟制府死生當是時日漸西

久而豫原語侵制府益急門者縮頸既已無可奈何則入白守者而守者亦頗聞餘語色動為言於張公張公命之入豫原乃入相勞苦如平生歡良久辭去越數日而部使者之祠報燬矣初部使者視學江左有聲吳中人士為祠於江陰歌舞之當張公之與鳴禮交訟也部使者按事至吳吳中自士大夫下遮馬首以千萬數願無奪我張公而部使者顧不直張公吳中人固怒甚及是役也部使者與制府劾張公欺謾不警罪且至殊死吳中人咸涕泣不知所為而會豫原自京口來具言張公就逮良苦則益洶洶然顧無所發怒豫原遂言曰狄梁公之有祠魏州也其子景暉弗類魏州人燬之不復祠今日之事得復有香火情耶吾欲云云如何于是眾數千人奔部使者祠下爭徹屋瓦投之以巨牛東西曳榱棟盡折或焚燒其餘呼聲動天埃起漲數十里明日制府聞狀大駭陰使人廉問主名疏以去然竟無如何也當是時豫原幾不免亦以此名聞江淮間豫原名希閔好讀書學治古文著有廣事類賦等書行於世以涇縣訓導副江南辛卯解試榜丁酉試京兆復得副榜主試者即故撫吳張公也識者兩難之方子曰余居京師遇江南人往往為余言豫原周旋張公事余壯之已豫原就京兆試定交王翊林太史坐上視其人斂退就懦粥粥若無能者而遇公正發憤乃若是

上卒不用部使者議而驛名張公命以白衣領倉場職其事距燬祠蓋不數月豫原之於張公可謂與天合符者也豫原又言方事之殷也江都有程表民如皋有姜自芸者與某相倚若左右手而先是張公與囑禮交劾時自芸護之尤力舉幡率數萬人行詣闕上書郡長至使人守欲殺之亦會張公得俞旨而罷余恨未見表民而自芸辱與余善名耕亦一奇士。

奉政大夫陶君墓誌銘

奉政大夫月山陶君考終於乾隆十年十一月十日年八十五矣越三載文孫元藻等將妥魂魄歸宅兆而以元配胡宜人祔先事次其狀走數百里謁余於還淳山中固以請曰願有志也既辭不獲命乃敘其崕略而銘之按狀君諱文彬字仲玉月山其號會稽陶堰人也陶於會稽為甲氏自上世著丹青者窮州綽之救不能數不紀遠而紀近則有以一諸生理賑事活饑民數千人又著治河明鏡以諭世沒而俎豆於賢人之間變菴公諱某者即君之考也君趨庭聞訓慧解絕人少時把文謁韓大宗伯長洲宗伯以羅儀部一瓣香許之而義門何學士適喜汪編修亦皆欣然襟契每試輒推鋒而在舉場廿餘年僥得僥失為退飛之鷁者六矣則遂絕口不談經生藝一資為詩蓋君妣胡太夫人能詩生之邨下口講指畫早諧宮商至是益肆焉追

古人從之。間復治古文。人數君才全能鉅也。然其聲聲大者。則尤在吏事。始君以助賑及格。注牒令蜀之彭水。既久次。乃擢同知漳州。彭邑多山。而漳州際之海。山莽水鱗。獯悍。則一君治彭也。不浹歲而鷹化為鳩。其于漳州亦然。鼻之龍蛇。俯仰間皆赤子也。蓋君整齊教導。動思利民。職事苟有便于民者。勸行之。未便則毅然持必。雖拔山力莫能移。蜀故多鹽井。其在彭水者四。曰鵲鳩井。曰雞鳴井。曰郁井。曰飛井。沿設自唐宋以來。而居人每患苦之。鵲鳩者。伏鳩也。語訛而然。其井在伏牛山左麓。雞鳴井。去伏鳩可二里許。最險仄。石齒齒插谿水中。不可筏。則架木為梁。旁可容足。而旁絙鐵以磨之。延緣得度。又六七里。乃及泉。郁井以郁水名。郁水流徑伏牛山前。道為兩。其一與伏鳩雞鳴二井會。其一稍北而繞山以行。久之得飛井。井尤奇絕。望若足練。懸石罅下。有大石如茵者。藉之亦仰而噴泉。所謂厥沸檻泉者也。土人剡竹為猿臂。吸仰泉。復挺小舟至飛石下。取泉和煮之。乃成鹽。土人云。如止汲一水。即鹽不成也。其艱也如是。而夏秋之交。澗水或怒注。往往乘四井漫之。淡不可煮。額則虧而亭戶以病。君至乃齋被謀禱於井神。神故有祠。祠處深林叢竹間。斗上斗下。人跡罕交。故事有司多望拜。無親詣者。君之謀禱也。更以故事白。不聽。捫蘿遠登。顛蹶而請。是歲也。澗水平。井乃大溢。明年又大溢。鹽浮于額者。斤以八萬計。自是率為常。父老額



手歎未曾有。乃言于大吏。大吏將自以為功。請增課焉。君歎曰。此天所以哀吾民而幸之也。夫天難謀。萬一不哀吾民而井如故。澗水復大漲。而課一增。即牢不可破。幸者無幾。而不幸者無窮期矣。誰生厲階。姓氏不萬古為人咀嚼耶。固爭之大吏。事不得已。而邑有馬蹟山。相傳舊厓銅。大吏檄監司募什胥取之。意銳甚。君又爭之曰。事有不可者三。民者冥也。惟利是視。各棄其業。次以驚沒於此。則傷農聚徒。既夥。無藉者攘臂其間。鬪號亂。以相剽奪。痛繩之。即鋌而走險。則誨盜。邑有點者。且乘間踰財廢居。坐致富羨。則獎奸。故曰。溷利生孽。而監司之檄如火。不得已。一嘗試之。甫月餘。所出不足以庾費。乃亟申前請罷之。彭民曰。微令君。吾屬不知死所也。郡貳故聞曹君在漳州。獨以吏能委治。辦者無虛月。凡再攝邑篆。內府有作役。須曾青丹研諸物色。檄君督輸之。部應期而集。緣道無一罷勞怨謫者。公卿間皆才君所為。方倚以為郡。而君無宦情。旋已賦歸去來矣。君之歸也。未及懸車者二年。而元配胡太君已七十。太君者。山陰孝子胡公諱祿安女也。居家稱孝。既嫁。稱順。相月山君稱令妻。君嘗病瀕死。刲左股藥之而愈。從宦蜀閩。助廉成德有力焉。而枵木以逮下。葛藟以收族。畫荻以督子。又稱慈母。月山君再遇。覃恩。自文林郎授奉政大夫。而太君亦以孺人晉封宜人。晚節鹿車相對者更十載。壽八十一。而體逝。時乾隆三年十一月二十

七日嗚呼可謂君子偕老善始善終者也君筆語縣富夥鉤而強半皆詩刻有摩雲集十卷藏者有金臺集錦江集武夷集古今文不在限也丈夫子二士銘候選州同知士麟邑諸生女子子二蔡啟生戴嘉樂其壻也孫男四章煥貢生元藻縣學生元美元苞為儒孫女四一適吳其餘尚幼未字曾孫男四廷珪廷珍廷璫廷玠余留越者三年章煥元藻嘗以道藝相講肄從容語家世知月山君早矣故系以銘曰公家之利知無不為有知弗為而利乃逾滋此鹽者井彼銅者山養而不窮者誰邪曷鑄金以事君其間匪直也泉涌而不已履錯延平兮蛟宮之水颺風怒號危橋折矢奇布帆之無恙若有人兮掀以起嗚呼至誠感神兮神具相止高岑沈宋王錢唐薛囊底智餘筐中玉屑銘之言名也先其大者琢一片石樹千年檟詩以貞之匪今匪且

知惠安縣錢君墓誌銘

泉州屬邑多際海海道與粵東相出入寇有自粵來者率藉之萃淵數惠安其一也而陳發利等為之魁初粵之海盜蔡三十二張甚粵制府遣標官張爵臣撫之而爵臣倚巨商楊懋仁顧陰與盜通懋仁者孝廉某父也故往來販海中蔡三十二生得之遂以為謀主號曰太公縱使餌內地人因誘得某弁之弟某并親信之與陳發利

等各有名籍稱將軍。而其弁所轄者。即惠安邊海境也。發利有與主。旁緣漁劫。無誰何者。及晉陵錢君元功長斯邑。以耳目發得之。既考實。遂斬斬發利等二十人於福州。惠安之海境清。惠故彫剝邑。君為政多所縱舍。裁濶狹以貸民。而獨嚴盜賊。嘗杖斃積賊王四曾添等數人。又善察人眉睫之間。以得盜。有訴盜牛者。盜爭之。君縱其牛。牛徑奔主家。盜以伏罪。及是擒海盜。欲遂獮其根株。因具讞本末以上。而故事捕洋盜滿品者。賜一級。大吏顧難之。謂時方太平。安得以此驚七邑也。削其牘。不以聞。而君之功遂格不敘。山賊陳五顯嘯亂安溪。永春間。惠與永春壤地接。而駐防兵先是他遺。留者如晨星。君言於上官。不備不虞。不可以師。秦兵搏力法可倣也。取丁結隊。而以邑軍官陳某紀綱之。春秋都肆拍試。應格。屹然如岳。家軍事平。乃罷說者。謂是軍即無罷。諸官兵可漸減也。而其後蔡三十二者益張。

天子至命大臣親入海就撫。粵中吏往往以罪去。而張爵臣楊懋仁獨他徙免。君頗足曰。使我初識得上者。爵臣等可出不意就縛。何至網漏吞舟。顧滋憂若此。方大嵐山事發也。惠安人有連。浙中移名氏捕之。年齒月日頗具。而無狀貌。及里居同名氏者數輩。莫適承。君取道院禮神簿核得一人。械以送。而釋其餘。所縱舍多此類也。庚寅歲大飢。

上命截浙漕以賑。君欲民速得之。計米抵泉州。必由惠安達也。亟請於總運者提軍藍公。便道留邑所需米而運之。卿委其辦于鄉之廉幹士。吏不得一舉手。而月事竣。民獲甦。董賑事者。先顧未至也。太守劉公仇數以錫切君。君抵曰。追亡者。趙括溺者。濡民不食月餘矣。更遑緩之。則且鬱為枯腊。復焉用賑為。守怒其慙也。許之撫軍。謂疑有奸私。撫軍黃公秉忠曰。吏思利民忠也。是可與權變矣。何罪。無幾。何黃公去。晉江賑事。聞而君亦隨以罷官。歲之飢也。晉江啼號者滿街。名口視惠安。蓋倍以上。守飭減之再三。而賑米屯縣倉。又不時發。民贅聚枵然。無所得食。怒洶洶如水火。會給米券。司獄鄧君至。傳太守語云云。未脫口。眾即袖瓦石擲之。令徐君源至。即又擲令市一闕而集者萬人。遂攻郡署。是日也。守匿提軍署。以免。城門盡閉。郡官吏無敢馳道中。而君適以他事至。聞變。唁守于提軍所。護之歸郡署。郡民緣道額叩君。此真民父母矣。惠安何幸。乃獨有二天。而斥守名奴之惡言。詈詞滿若堵耳。當是時。守杜門。辭舌欲自殺。私疑君為煽變。謀有以中君。念君素廉。難污以奸利事。又一切治辦。不可以軟弱不勝任坐之。獨倉庫缺者。未奉撥抵罪之差。有詞連揭請制軍劾罷之。得旨勒追。而君故錙銖無負也。其明年撫軍覺羅滿公道惠。惠人遮馬首。累牘列君寬大略。謂平糶價已解司。獨批未下耳。月日可覆也。詔蠲地丁。而祭祀香燈。以及

廉膳俸工窮民之常餽諸所當給者例取留橋錢應之以是為虧帑即八閩官署空  
矣穀之缺者緣歲旱秋屯米不時輸故碾以給軍亦已具奏報郡今顧以累令小人  
無狀願數日還官通慈父母不可失也其言絕痛撫軍卻不省而久之事卒得白君  
竟洒然以歸嗟乎儒生俗吏不識時務幸有識時務者于此網絡施設推拍宛轉便  
于公而宜于民上之人不一引手以勸能者而輟幾沮成愛然蔽之甚且因以為罪  
古今來如君者多矣此可為太息也初君榜惠安治堂有曰做一日吾盡一日之心  
寬一分民受一分之賜卒能行其言又嘗著論以謂居官者強迫而取甚於盜妻曲  
而取甚於賊事上官以固其位而取人財甚於倡與優故其歸也不能名一錢君諱  
某號碩齋年三十三補諸生又十年而充內廷教習又六年得官官十一年而罷  
既罷復留闕者三年還歸則六十矣又二十五年乃考終乾隆二年九月二十七日  
也最年八十有五系出吳越武肅王雷明神宗朝侍御史啓新公與高願號東林黨  
魁而其子大司徒梅谷公復振之世美不隕鏗耀史書是為君高曾祖大司徒生孝  
廉巖石公君祖也孝廉生贈翰林院侍講學聖公君考也凡再娶過覃恩贈封皆  
孺人前孺人周氏君父執友名臣公女攻苦食淡勤靡餘勞哭先姑之喪過時而哀  
遂得疾以康熙甲子二月二十八日卒遺孤子女繼室吳孺人鞠之過於所生方君

遊京師貧甚。一臥室也。樞左右夾之。吳孺人扶羸振壞。大抵從十指出。而沛然若力有餘。從宦惠安。助康成德。內外斬斬。康熙己丑四月八日。禮佛而逝。其曾王父文端公宗遠。官大學士。祖職思。父守茲。皆有列於朝。詳具君自為狀中。始余成進士。與君從弟太史君天棧號同年生。頗知君。顧獨謂其有諸儒質行。通經術。不知其精於吏職若此。今葬有日矣。諸孤件次事狀。連余銘。余讀之而悲。古謂作吏如鐵船渡海。君不幾是耶。然君之子尹桐廬。方以公才吏用為世所急。異時侍御司徒公功名。或於是乎在。君其可無恨。銘曰。

切人不媚。和臣不忠。賈枏方鑿焉。牛其風。嗟乎君才如深衣。可武可文。而左右具宜。亂者宜斬。水鱗山莽。飢者宜餌。枯魚涸鮒。獸窮則搏。兮震于其鄰。胡移甲而怒乙。乃歸休乎君。毋以公歸。淚如傾海。劇勝歧旁。罔曰即罷。官本臭腐。花飄溷牆。蜚蜺天地。君子陽陽。鳴鶴兮堂開。卧龍兮山峙。魂魄毅兮臨之。雖萬古兮猶視。一畝之宮。此焉寄。

子產不與韓宣子玉環論

魏世傑

韓宣子有環。其一在鄭商。謁諸鄭伯。子產不與。及買諸賈人。既成賈矣。請於子產。子產卒彊辭拒之。傳言子產為知禮。吾以為子產過矣。夫宣子求賈人之玉於其國之君。子之折之也。固宜。虞公求玉而虞叔獻之。又求其寶劍。曰是無厭。必將及我。此子產所宜深折之也。與賈人成賈而拒之。亦何為乎。子產於此。置而不問可也。方宣子以商人之言請。若曰彊奪商人以與吾子。則吾不敢。今惟商人與吾子之所欲可也。而彊辭焉。以怒大國之卿。此其所以為過也。夫子產秉禮執詞。以屈服彊諸侯。與執政之卿大夫亦多矣。即一與韓子王。亦無所害。而卒不之與。何哉。蓋有以知宣子之賢。而必不以玉賈罪也。辭之而不以玉賈罪。則鄰國聞之。必曰以晉之彊。韓起之執政。而不敢買玉於鄭之賈人。則自今以往。其誰復敢以非禮求鄭者。然若是者。惟子產而後可為。非子產則不可也。藉使平日之禮義不足信服於人。不能審時勢度其人之可加與否。而悍然固執以遂其所為。則未有不遺家國以大患者。且夫求之不得而怒。怒而思報。天人之情也。吾以理折人之貪。而彼莫可以為辭。則必重傷於心。而蓄憤積怒。將一發而莫可禦。甚矣子產之所為亦難也。雖然。子產知宣子之賢。而宣子卒辭之。吾以為宣子為不可及也矣。

漢陳湯唐郝靈荃論

國家所以服人心而收後效者莫過於賞功之典。賞莫過於戰功。戰莫過於立功異域。以雪國家不能報之恥。吾嘗讀史至陳湯斬郅支。郝靈荃斬默噉。未嘗不歎息於漢唐之相如匡衡宋璟者。為失其賞功之道也。夫人之畢志竭力以致死於敵者。誠亦自重其功名。而不無望於分土列爵之榮者也。就使有欲然無欲之人。功成身退。無所望於朝廷。而為君相者。則必有所以報之。然後上之心安。而下之人有以勸。當元帝時。漢為郅支辱者亦數矣。當時君臣亦孰不欲函其首而殲其族。類者湯身領西域。不煩漢土。不費斗糧。伸威萬里之外。四夷震其武。中國服其略。天子嘉其功。而孰意平日所號為明經大儒。若匡衡者。文以矯制之詞。遂其媚嫉之惡。獨起而阻其封也哉。今天所謂矯制而不得與於議功之典者。必其挾一己之私意。輕犯大難。微利倖功。一日之得。不足以償他日之失。故雖其事既集。亦往往為法所繫。蓋以尊朝廷之權。而慎四海之釁也。若湯求使外國。其深心遠慮。所以為朝廷計者。蓋非一日而撫諭諸域。以收其用。進甘延壽以成其功。雪邊吏之宿恥。誅朝廷所欲誅。後有效尤亦孰得而擬之。嗚呼。湯之功。前過於常惠。鄭吉。後勝於班超。雖唐李靖。徐世勣。之于突厥。頡利。赫靈。奎之于突厥。默噉。蓋亦莫能相並者。衡即逆天子而排羣議。裂土。



封湯不足為過。奈何劉向諸人誦言其寃而卒挫其功也。且夫國家之事。不患乎小人之自遂其非。而患乎君子之自信其是。方郝靈荃得突厥默噉之首。與頡質略共詣朝廷也。宋璟欲格明皇好武之心。於是痛抑靈荃之賞。逾年始授以郎將。宋儒胡寅謂璟見始知終。真賢相也。吾則以為璟之過。雖不同於匡衡媚嫉之私。而其流弊有甚於衡者。何則。衡以小人自遂其非。為天下後世所詬厲。璟以君子自信其是。為天下後世所信從。則是湯之功蔽於衡。而申於劉向諸人。天下後世之為湯者。猶有以自奮。靈荃之功棄於璟。無復有能申之者。而天下後世之人。終不肯復為靈荃。夫明皇雖有好武之過。假令靈荃日以土地之利。甲兵之彊。侈其心志。若裴矩啓煬帝西域之禍。疲國傷民。以攻其所不必攻者。是雖奏功於朝廷。不得不以逢君倖賞之過抑之。獨是默噉世為唐患。苟可以力服。雖遣將出師。裹糧坐甲。所不辭也。今靈荃能因人以成大功。使朝廷之威振。諸部之心歸。安在而不足重表其功哉。嘗觀唐厯與舊傳所載靈荃事。一以為質略斬默噉而歸其首于靈荃。一以為靈荃引特勒回紇部落斬默噉。二者固無所考証。然吾以為坐得首於他人。則授以郎將。本不為薄。史不當言璟之痛抑靈荃。以無功授郎將。本不當過望朝廷。乃至重傷于心。慟哭而死。則豈其人之情也哉。然則靈荃者。固陳湯班超之流亞。而奈何以璟之賢亦同於

國朝文匯

卷四十三

十九

甲

集

偽儒匡衡之見也。後之君子操國家賞罰之柄者。慎毋為胡寅之論所惑也哉。

國學扶輪社印

張氏產芝記

王 革

凡物不樂其異也。天下之物莫不從同。而此獨異。則物皆背之。而況以獨異之物產於從同之日。不惟不肯之。且羣而異之。而尚謂其異之可樂耶。比鄰張翁少讀書。起家諸生。後以年老脫籍學宮。人固不之異也。居家老屋三間。其子謹愿力田足供朝夕。翁雅嗜種植。一門以內。花藥鬱然。於吾友黃子靜齋居為比舍。余每過子靜。講習從籬落窺之。見子懸一老頽然。方塘竹石間。心竊異之。因語子靜。吾輩營營碌碌。畢力制科。視翁何如。安得有地一區。若翁之水竹妍雅。以灌園奉母。讀書其中。終老不出乎。子靜亦為慨然。而與余交異夫翁也。丁卯六月。暑雨薰蒸。翁之竹下忽產芝。菌數莖。於是郡之貴富寡賤。相與異之。爭至其家。諦觀無虛日。郡之能文者。更爭為詩賦以異之。余時遺疾不能往視。不識翁之當日。亦自以為異否也。未幾而翁病。病未幾而翁歿。而余適病起。乃與子靜從翁之子。求觀其芝。則乾若槁木。而翁與芝俱盡矣。嗟乎。翁之可異者。初不以芝也。而異翁者。止余一二人。及芝產翁庭。而因芝異翁者。遂徧郡之人。何以異翁者。止余一二人。而翁反得優游其身於方塘竹石間。而異翁者。徧郡之人。竟不能使翁為茹芝之老。以終為眾之所異也。豈異翁者少。翁得自蘊其異。而異翁者眾。遂足為翁累也。則信乎物不樂其異也。而余生長舉業腐爛。

之日。妄思鐵礪學行。以求異乎流俗。而世故牽率。信道不篤。浮湛病廢。虛存此志。曾不若摘裂時文之徒。猶得以其剽賊擬議之工。見異於鄉里。則此求異之志之為予累。更何減於產芝之異之為累於翁也。故作張氏產芝記。以示子靜。且以自砭云。

冶源紀遊

冶源在臨朐西南二十五里。水經注之熏冶泉也。客胸往探其勝。出南郭。橫峯側嶺。連抱城闌。渡具水行十許里。人家村落。老樹麥田。城陀華礪。與蒲州中條山行經萬固寺入巢雲阿無異。馬上屈指。已三十四年矣。又數里許。至冶源村。村口市餅餌。獨輪車往來。蓋取道穆陵關者。村中折而西山。腳細竹。空渠相間。又南則海浮山。大壑清流。水上皆竹。竹巨而密。策馬上石厓。即馮氏冶源別業。主人侯于門者。四揖客入。南壁皆山。剝削類馬遠畫法。石罅樹皆五六人始合抱。北瞰皆泉。潯膏蓄黛。深可數尺。泉上浮珠者。璣者。王者。雪者。近吾郡之爆流百脈。盈盈數畝。故注云東有一湖也。徐行數十武。竹愈大。石愈峭。樹愈奇古。有屋翼然。為憑於亭。主人導客北行。竹中如函。道筍多礙屐齒。抵亭下北望。樹高竹深。沙寬波淺。互為掩映。一樹臥水上。去岸數步。幹亦合抱。主人曰。蘋柳。或檉之訛矣。復導客南折而東北。登江左亭。址在水中。略約通之。凝望水北。較憑於小異。由亭址南入山徑。徑多松竹。更蔽虧不見曠景。山脊

枯子松二株下橫石牀。勾留久之。行松篁中。石磴高下。隨步成趣。一石閣東南。山楸登之如覆盎。可銷夏。更有石軒。頽矣老木。壽藤根外出。如數間屋。循磴下。還憑於亭。竹粉山氣。爭入座隅。遂出問泉所。自發。主人導余至來時大壑上。西去有厓。泐鐫劍池三字。大書深刻。復草書數行。崩離殆盡。惟海浮山人四字可辨。厓有祠。頽曰治官。像設最古。泉出祠左。注云。泉溪之上。源麓之側。有祠。目之為治泉祠。斯地蓋古治官所在。故水取稱。而齊乘亦云。相傳政治子鐫創之地矣。

### 明安平知縣孔公傳

公名聞俊。字秀若。姓孔氏。兗州之曲阜人。先聖六十二世孫也。性敏給剛果。事親孝。好讀書。負經濟大畧。善書。入草聖。善射。能左右手。當明之季。吏治利敝。民生屢耗。慨然自奮。有東漢名士澄清之志。南冠補諸生。會明懷宗幸學。優錄四氏子孫。公得授直隸密雲教諭。署寶坻。有聲。推知安平縣。安平城卑土惡。頽且盡。公至。令民過宜扶耆。輸石輸甃。自贖。不數月。城成。明末兵興。三輔震蕩。薄安平三日。夜。公募嚴城守。指畫方畧。提兜鎗。屬雲鍵。獨當城北門。彎弓左右射。射所向辟易。童澤之蒲盡矣。忽輩矢集公面。毒發。公射止。令貌類公者。於烽火中。服公衣甲。彎弓左右。如舍矢狀。而自裏創。部署如故。城賴以完。公受創深。鏃次骨。力拔之。欲絕。鏃出。始懸。事聞。懷宗遣醫

視疾疾愈將以公備兵天津未上疾發遂卒年四十有四詔贈公尚寶司卿廕一子為河南汝甯府通判立廟安平祀之公長身修髯聲如洪鐘儀觀甚偉遇事斧鑒理解安平戒嚴每出民有訟者即道旁聽之以數語決曲直獄無冤云

王革曰公曾孫衍楠於革為同年生嘗語革公少退食自塾必射射已入塾師詰其遲不言師怒欲扑公始告師令射十發十中師奇之洎守安平卒以射聞記曰射之為言繹也止也故曰為人臣者以為臣鵠公之勤事全城其以身為臣鵠繹而止之者乎

讀平原君傳

劉青黎

劉子曰平原君以得士名天下者也。而顧失之毛遂。知人之難。一至此哉。方邯鄲圍而趙之將亡也。平原君門下之士三千餘人。卒無以一計進者。既而合從於楚。擇文武備具者以從。僅得十九人。毛遂以自薦與焉。及合從之說。日中不決。而陳悉利害。敵血定盟。竟獨得之毛遂。吾不知十九人者。何以當平原之選。而所謂文武備具者。僅臨事囁嚅碌碌。因人成事也。向使遂不果自薦。則不得與俱。則合從不成。合從不成。則邯鄲必破。趙王之宗廟社稷。具夷滅於秦人之手。養士數千。將焉用焉。由此觀之。轉危為安之功。遂亦偉矣哉。然而遂居平原之門三年餘矣。彼其以匹夫之身。按劍登堂。廷辱侯王之主。卒解強秦之圍。其材氣之雄。當必有可見者。乃三年而不見知。及於楚之役。自薦而反辭之。且曰。左右未有所稱頌。嗟乎。平原君何言之陋也。夫人有慷慨激烈之氣者。必不為辱身賤行之事。何者。彼自顧可以成大事。故不肯屈。他何偶。以甘就卑屈也。遂之言於楚王曰。十步之內。大王之命懸於臣手。吾君在前叱者何也。夫萬乘之主。一叱尚不能甘心。而顧欲其如後世奴顏婢膝之徒。要左右之頌稱也。我有以知其不能矣。而平原乃以此謝天下之豪傑乎。彼豈一大夫。實一大夫。而國大治者。齊威王何如人哉。當是時。楚有春申。齊有孟嘗。趙有平原。

魏有信陵。此四君者。天下所稱賢公子也。春申之死。大仇莫復。孟嘗一廢。門下盡空。生死貴賤之間。既已翻覆不測矣。而逃秦之阮下坐者。解之。薛中之市義。彈鋏者。為之。信陵之救趙。皆侯嬴朱亥之謀。而此二人者。或得之監者。或得之屠肆之中。卒未聞坐中之上客。為畫一策。濟一事也。且邯鄲之圍。戰死之李談。出傳舍之吏子。而毛遂亦以自薦。立功於楚。諸如此者。不可勝數。豈人之難知哉。大抵戰國之養士者。未必有知人之明。不過羅致賓客。以誇豪舉。而被殺綺餘梁肉之徒。又皆依人成敗。庸庸不足以當緩急。而非非常之士。往往出於尋常物色之外。其平日為肉眼所恥笑。屢矣。直至捧盤敵血之日。賢不肖始定耳。豈獨毛遂也哉。豈獨毛遂也哉。

台州方氏族譜序

余少聞有明靖難之役。一時死事諸臣。惟方公希直為最烈。其被禍也亦最慘。族黨株連。既靡孑遺。而所著書亦遭焚燬。因為歎歎者久之。及稍長。得保城集於書肆。驚喜市歸。捧誦累日夜。不能止。既又以為自古忠義之士。抱西山之節。犯興朝之忌者。刀鋸鼎鑊。不惜糜爛其身。而事過時平。亦嘗寬禁網。崇優卹。未聞并其子姓而滅絕之者。而方公獨殃及十族。罹千古未有之慘。雖遺編墜簡。幸留人間。而斬焉不祀。等於若敖。反不若馬醫夏畦之鬼。得長有孫子。繼血食於世也。豈不悲哉。其後讀曹



參芳所為。魏澤傳云。希直被逮時。澤匿其幼子德宗。台人宗學。愛者。搗去匿海島中。卒以付方門人俞允云云。余始知方氏之孤未嘗絕。而流傳後世者。不僅其遺文也。每欲一遇其人。訪其家世。卒不可得。丙寅冬。客居夷門。方子遂。藏者。攜其族譜求教於余。且曰。吾希直公之苗裔也。希直既族滅。而幼子德宗。以魏澤。余學。愛。故。得。不。死。是時德宗年九歲耳。學。愛。與。俱。匿。他。所。卒。以。付。海。上。俞。允。允。希。直。公。門。人。也。收。育。為。子。遂。更。姓。俞。德。宗。之。後。有。為。南。昌。司。訓。者。遂。歸。台。奉。祀。事。復。方。姓。幾。八。世。而。及。於。余。學。書。不。成。以。丹。青。之。業。餬。口。於。四。方。恐。大。墜。先。人。之。緒。願。得。一。言。以。弁。世。系。而。示。後。余。既。高。希。直。公。之。義。而。又。喜。其。有。後。且。方。子。之。言。與。曹。參。芳。所。紀。有。相。符。者。其。可。以。無。言。與。蓋。當。高。皇。帝。時。希。直。早。以。文。學。受。知。文。皇。既。雅。聞。其。名。及。金。川。失。守。方。以。草。詔。相。屬。而。又。以。姚。廣。孝。之。言。不。欲。置。之。於。死。希。直。顧。麻。衣。痛。哭。投。筆。嘆。血。罵。聲。徹。殿。陛。間。此。十。族。之。慘。所。以。波。及。廖。鏞。而。文。皇。怒。猶。未。怠。也。當。此。之。時。學。愛。與。澤。獨。能。負。程。嬰。之。義。於。萬。死。一。生。中。卹。其。遺。孤。而。保。全。之。蓋。亦。難。矣。乃。以。文。皇。之。暴。虐。陳。瑛。之。羅。織。而。偵。伺。不。能。及。刑。戮。不。能。加。袴。中。之。孤。安。然。無。恙。瓜。瓞。綿。延。以。至。於。今。余。魏。二。君。子。之。功。固。不。可。泯。要。非。希。直。之。忠。烈。格。天。地。而。動。鬼。神。不。至。此。也。賢。者。有。後。豈。不。誠。然。乎。哉。用。是。書。之。簡。端。俾。方。子。歸。而。遺。其。族。使。相。與。勉。焉。他。日。聞。有。讀。書。明。大。

義者乃無忝厥祖也

敘麟遊縣知縣楊公蓮峯軍功

公諱鎮。蓮峰其字也。河南洛陽人。順治乙酉舉人。初任雷州府推官。缺。裁。改知麟遊縣事。當是時。滇逆吳三桂已陷全蜀。漸逼秦隴。而提督王輔臣叛。據平涼。與為遙應。偽清道將軍率賊眾北赴之。道出岐山縣之屈山。屈山者。麟遊之鄰壤也。使使陳說利害。持偽劄招公降。以犒軍山口為約。公集士民謀所以應之者。時賊勢張甚。聞者相視無人色。或且有異議。公度不足與計。遂罷去。而佯為好語以給賊使曰。如約。於是密遣家僮分道招致諸村堡民壯。漏下三鼓。公潛出與俱。抵賊所。取道處設伏待之。時公所糾聚及家僮不過百餘人。又皆不習戰鬪。賊至。伏者雖起。而倉卒不知所措。公促家僮楊蘭急發矢射。殺一賊。眾遂奮擊。賊乃奔潰。追至靈台界茅連灘而還。生擒賊校尹際魁等六人。獲白旗一。長鎗五。烏鎗一。帳房一。初公糾眾夜出。城中無知者。比曉始稍聞之。咸為咋指。至是乃大喜過望。時康熙十四年十月初四日也。秦撫杭公聞之。將上其功。以俘獲少。非大捷。遂寢其事。及新撫鄂公核查軍功時。則公已遷遼陽知州矣。故卒不果薦云。當滇南之變。一時強藩巨帥接踵告叛。而平涼為患尤大。輔臣素號黠桀。而又地踞形勝。便於馳突。向使南北連結。互相犄角。燎原之

勢猝難撲滅國家西顧之憂政未艾也賴公一戰而賊鋒挫衄不復北指輔臣亦勢孤力屈束手請降逼兩寇障蔽三秦論功行賞孰有大於是者又安得與尋常俘獲之數比例而較多寡也耶自兵興以後朝廷雅重武功故有起身卒伍不數年而高牙大纛專制閭外者然而巨公之奴客與夫主帥之親故廝役無臨陣之勞挽強之力而冒首功叨上賞者往往不可指數至於裹瘡血戰出萬死不顧一生之計以挫鋒陷陣者反沈埋行間終老而無復採錄事之不平自古如斯而如公所處尤令人扼腕太息者也以孱弱縣令未有片甲隻旅之寄寇不臨城可幸無罪顧乃驅百餘目不識兵之人深山午夜冒險設伏以遏強寇之衝當此之時其不至橫尸膏野糜爛齏粉於鋒鏑矢石間者僅間毫髮蓋已危矣乃功成事定不惟無不次之賞而并不得一與奏章之末豈不深可惜哉公知遼陽四年以不阿權貴罷歸今七十餘老矣酒後耳熱談及往事猶作矍鑠態余聞歲遊洛聞公破賊狀甚壯之後於公家得麟遊知縣費某詳文一卷則核査軍功時所具報者也其中與所聞相符而加詳焉適余纂修洛志太守汪舟次先生謂余曰楊公事既奇偉而子知之又最稔可使之無傳乎遂敘之而論之如右

張孝廉公傳

張公諱永祺字多祝。舉天啟辛酉鄉試。鄉賢戴寓公仲子。戴寓中萬歷壬辰進士。累官四川兵備副使。慷慨識大義。即邑乘所紀力止魏璫生祠者也。公少負氣節。饒有父風。明崇禎間。流寇李自成大亂中原。公分守東城。於是日修戰具。夜宿城頭。一切捍禦之需。竭貲鬻產為之。不遺餘力。自成已破葉邑。鼓行而北。有曹令者。獨主降議。公正色拒之。已而以降表逼公署名。公毅然曰。祺以草莽書生。世受國恩。義不可辱。豈不聞沮建璫祠者吾父哉。俟寇至。吾當舉一礮相向。然後仗劍死耳。曹數脅之。公不得已。乃痛哭負母渡河而北。史公可法疏薦有破家守城不押降書云云。奉有特加擢用之旨。公辭不就職。汪總制諱喬年者。督師勦賊。次洛陽。聞李自成圍左良玉於鄆。而襄城新破。遂不果進。公步詣軍門。具言襄人忠義。日夜望救狀。汪公大喜。乃以公為前導。進軍襄城。自成環兵圍之。公率邑人共汪公守城。五晝夜。力竭城陷。自成積恨公。殺其族人九家。語載明紀事本末中。而邑人姚郡者曰。公後於廬家洞為賊都督袁姓者所執。逼之跪。公大罵不屈。賊以弓弦束其腰。深入塹理。時日中無雲。忽雷電大作。賊驚懼。乃釋公。郡母公長女。嘗為郡說其遺事云。乙酉後。隱居不出者十八年。至壬寅以壽終于家。所著有偶然遂靜夜述及詩文等集。四子鑒明經。斑斕皆庠生。雯庚子科舉人。

劉青黎曰。當崇禎間。襄城陷於寇。屢矣。至汪督師之役。其受禍尤慘。是時黎祖漢臣。躬與城守。數被鋒刃。所著有殉難記。以故余於張公遺事。知之頗詳。噫。人方平居無事。高談忠義。其誰不義形於色者。一旦臨難。而靦顏屈膝。喪節辱身。比比是也。如公者。可不謂烈丈夫哉。

### 李孝子傳

孝子李復新者。襄人也。世居城之東村。崇禎十四年歲饑。復新出糶於鄰。土寇賈成倫劫其家。執其父際春殺之。復新歸痛哭絕而復甦。裹刀衣縫中。日夜謀所以報父讐者。是時天下大亂。法令不行。控告無所。而成倫强悍。所自防衛甚備。復新伺其隙不得。且恐其他奔。即又謬為懦弱狀。揚言於衆。以示無復讐意。成倫聞之。信以為然。卒安居如故。國朝定鼎。復新潛之會城。訴於太守。逮問具服。繫成倫於獄。會大赦。減為徒。還裏起解。復新先伏道旁。俟其過。舉大石擊之。中其腦已死。復連擊之。解者欲釋執之。復新曰。吾報父讐耳。豈畏死者。乃自詣縣願就死。令憐其孝。不忍寘刑。適手自為狀。以具白。所以且曰。如復新者。宜表其間。以彰其孝。到府。太守難之。駁其議曰。賈成倫事在赦前。業已降罪為徒。而李復新斃之。宜如殺人之律。事下。令不能對。縣有按老不視事。素巧。詳文案牘。一出其手。無能易者。令強起之。乃復議曰。蓋聞父

母之讐。不共戴天。古云殺人者死。未聞報讐者死也。又云。凡報讐者。書於士。殺之無罪。復新固已屢訴矣。且赦罪者。一時之仁。復讐者。千古之義。成倫之罪。可赦於朝廷。復新之讐。難寬於人子。成倫且欲原赦。而復新不免極刑。平允之論。似不如是。父子何辜。並遭大罹。凡有人心。誰不共憐。伏願實以無罪。且旌其孝。太守不能難。卒如其議。表其閭曰孝烈。里人至今稱為孝子云。

劉青黎曰。余聞之先達劉珽曰。復新之訟其父冤也。時

國初離亂甫定。所在城郭村墟。人煙絕少。復新隻身具糗糧以行。夜露宿。恐為虎狼所厄。每棲樹上。艱難困厄之中。卒能報其父讐。嗚呼。可不謂孝哉。復新今尚在。余嘗一見之。時方充里役。余將為言於令。復新流涕曰。遭家不素。不能免父於難。其敢因之以為名。且里役分也。義無所辭。余甚善其言。然卒為請於令。復其身云。

梅節婦傳

節婦姓李氏。安順梅運昌妻也。運昌崇禎己卯拔貢。知四川江津縣。氏攜子女赴任。而流寇張獻忠搆亂。道梗不通。遂抵平越。寄居母家。已而訃至。則運昌死城守矣。氏仰天號泣。業不欲生。而子建方六月。女三歲。念無可依以活者。適忍死為撫育計。丁亥。流寇餘孽蔓延黔中。所過無堅城。氏毀容剪面。倉皇出走。使老婢負其女。而自抱

其子復挾利刃以防不測。至貴陽城陷。旋奔威清竹亭寨。明季承平日久。不識兵革。緡紳家率習於安逸。氏母兄為總兵官。而梅姓又世宦。平居不離閨閣。一旦猝值變故。身攜孤弱。徒步奔竄。其勞苦有農姬村媼所不堪者。是時賊騎充斥。大路崎嶇。山陁中攀崖踰澗。艱險倍甚。其間望塵起立。匿身麓箬。以脫須臾之命者屢矣。及抵竹亭。疾呼寨下曰。吾安順梅宦婦也。急啓關納我。先是有譚姓者。嘗避亂寨中。以遺索屢挾勢索償。居人苦之。以故聞氏言。輒拒不應。氏徬徨久之。計無所出。恐賊至痛哭。欲自刎。有張氏婦見而憐之。語曰。若勿云宦家也。當得入。遂割所居舍之糧盡。剪衣製履。使老婢易米而食。未幾寇至。寨人降。日肆掇羅。氏復挾子女潛匿巖洞中。時既逼寇虐。而荒山豺虎出沒不時。輾轉遷徙。寄生者七十餘日。始得返安順焉。

國朝定鼎。四方以次歸命。而黔最後平。喪亂之餘。家業蕩然。氏甘淡泊。習勤苦。事無巨細。皆身親之。屢值凶荒。而家計不匱。子女既長。婚嫁卒能成禮。皆氏力也。安順地雜苗蠻。苗俗好蓄蟲蛇之毒。陰以啖人。名曰下蠱。中者無久近必死。又或取人服飾之類。為妖術以詛咒之。終氏之身。子建食飲無不出己手者。其殘衣敝履。必深藏篋笥中。凡所以愛惜而保護之者。瑣細周至。類如此。然其教之也。則又嚴而有方。午夜篝燈呼起坐。督誦誦。無間寒暑。聞則道其祖父遺事。及流離奔竄之狀。以相勸勉。母

子輒相對泣左右不能仰視康熙庚申卒年六十一方運昌之沒于蜀也氏纔二十有五距其卒凡三十六年其間兵火盜賊飢饉天人家國之變叢集交困氏以孱弱幼婦側身燈原出入萬死一生中既能保身全節而又教育稚子克有成立遠近聞者無不難之里人前後上其事督撫監司屢表其閭子建以壬戌補科中本省鄉試論者以為苦節之報云

劉青黎曰余讀衡中丞公所為節婦傳敬歎者久之劉令君豹南曰中丞為此傳時方修黔中總志義取簡該蓋準史例也余因叩其詳而別為傳如此噫古來婦女以節著者有矣以節婦所處較焉其難易何如哉盜賊虎狼之窟危間毫髮方其抱稚子挾利刃流離奔竄時蓋亦自分無生理矣卒之節完子立身名俱榮又何其幸也令君古風直道素以表揚幽德為己任又與節婦為同鄉其言蓋信而有徵云



程編修傳

余句

岳池縣教諭程濟。陝西朝邑人。洪武間。以明經薦授職。有奇術。岳池去朝邑數千里。朝夕在朝。而岳池學事不廢。建文初。上書言某月日。西北兵起。朝廷以其妄言。繫至京。將殺之。濟奏曰。陛下幸囚臣。至期無兵。殺臣未晚也。遂囚之。已而兵果起。乃赦出。為翰林院編修。充軍師。與燕兵戰於徐州。大捷。諸將樹碑載戰功。及統軍者姓名。濟急夜往祭碑。人莫測其故。後文皇經徐州。見碑。問知之大怒。趣左右碎碑。方一再椎。命止勿擊。錄其文。按名族誅。無得脫者。濟姓名正當擊處。遂免。往日之祭。蓋禳之也。淮上諸將敗。建文召濟還京。初。濟與邑人高翔同徵。翔屬名節。濟好術數。翔勸濟勿為此。已而有兵事。濟又勸翔學我術。翔曰。我願為忠臣也。金川門破。翔招濟同死。濟曰。我願為智士也。翔竟死之。建文君急召濟入。問計。濟曰。天數已定。惟可出走免難耳。立召僧為建文君落髮。濟從之出。每遇險。幾不能脫。濟輒以術脫去。相從數十年。隨建文君至南京。人尚識濟。後莫知所終。予童時聞老人言。建安楊文敏臨終。密語其子曰。有一事關係。不得不說。汝須默識。以傳於後。俟他日德望大老。密以告之。成祖出塞。軍士失路。馳至山窟。疊石間。有一老僧。閉目趺坐。呼之再三不應。回奏上命。循途再訪之。將至。軍士指曰。去此不過數百武。成祖策馬先驅。到其處。後騎隨

及則成祖已被刺。遍見老僧不見矣。疑即程濟也。文敏之孫曾密致此語於同郡李尚書。默示其事甚奇。其言之果否。則不可知也。

韓晉之傳

韓廷錫字晉之。侯官人。幼聰慧。九歲背誦六經。略無舛訛。與鄉里羣兒處。不妄言笑。未弱冠。舉止如老成人。家素貧。薪水不給。而臨財無苟得。膏火不具。而開卷必衣巾。當萬曆季年。補博士弟子員。時習經者類由莽滅裂。晉之必研究終始。於無疑中尋出有疑。有疑中看出無疑。條理貫通。暢乎自得。往往前無古人云。又嘗以字學壞於鍾王。故悉力於大小篆。終身不作行草。即有其書。亦不得已於應試時為之。此外雖朋友往來。短札無非大小篆也。執親之喪。哀痛迫切。苦塊體粥。三年未嘗見齒。或親戚情話。不能斷絕。則衰麻隨身。親攜草墊。在處據地以坐。識者以為今世之王偉元。徐仲車也。余少時偶見其所讀漢書二十六冊。手註與史記異同詳略之處。細加評隲。皆作蠅頭斯籀朱書。日久吐鉛。斑博陸離。可愛可寶。今歷五十年餘矣。不知此書傳流何所。時往來於余心焉。先生特立獨行。終身蓬屨。學不徇世。世亦罕稱之。余為略書其大概之可傳者如此。猶恨不使鄉先賢蔡九峰黃勉齋諸公見此後賢也。

里克伍奢論

魏世微

魏世微曰。嗚呼。晉將亂而殺申生。楚將覆而逐子建。獻公平王之罪也。而申生之死。里克實殺之。子建之死。伍奢實連之。予每讀書至此。未嘗不掩卷長太息也。或者曰。往子之論里克也。謂其三句不出。不能力爭。以坐成驪姬之謀。而奢也。異是。何子過之深也。曰。其所以異者。蓋即其所以同者也。其不明於諫君之術一也。獻公之心昏而懦。平王之性忍而狠。忍而狠者。固非盛氣力爭所能回。而昏懦者。奚言婉容。又不可以悟。夫獻公入驪姬二五之譏。其欲廢申生而立奚齊久矣。卒遽回而不敢斷。及獻胙毒殺。猶未嘗誦言以誅太子。然則里克當日不中立而強諫力爭。則申生可以不廢。豈若夫平王者。取子婦而不恥。殺無罪之太子而不憚。為悍然無所顧哉。然奮揚違命以遣太子。猶且婉辭而不罪。故又知平王者。可以奚入而不可以激怒者也。吾嘗謂奢能用里克微言。以規平王。克能如伍奢猛烈之氣。以逆折獻公。則必將兩有所濟。而惜夫其反是。吾故曰。里克伍奢者。申生建之罪人也。嗟夫。里克之心私而怯。伍奢之心忠而猛。忠猛者。故不失為賢臣。而持之或偏。則亦足以殺身而償事。奢之所以隕其身者。忠猛之過也。其後子員以強諫而見殺於吳。猶是故也。嗚呼。其亦可悲矣夫。

王阮亭詹事南行誌序

乙丑孟夏。舟過英德。與友人立船頭。竟日。望至會心處。雖雨立其樂。其可至者。則維舟就之。或風便不得停。則牽纜。盡小艇。及其處興盡而止。肩輿度梅嶺。則徒步行長松下十里許。觀其偃仰。螺曲。意甚得。一日客端州。與友人攜酒登七星巖。絕嶺因論士有遇不遇。亦猶山水之顯伏。或傳或無傳。不能皆同。河嶽以不朽者。是誰為之也。笑謂客曰。山水巖壑之幽奇秀折。非草野貧賤之士。不能採取而得。夫嶽瀆名山川。歲時受天子諸侯卿大夫之享祀者。富貴顯達者也。一邱一壑之勝。足以自怡者。貧賤者也。或生僻壤。樵牧牛羊之所摧折。而遊人不得偶至。不自見其美。而深藏若無及。訪而得之。然後見其中之天地日月。花石草木。龍虎禽魚之紛綸蘊蓄。此隱逸者之逃名絕世者也。故富貴者得富貴之山水。而其貧賤隱逸者。亦得貧賤隱逸之山水。所固然也。翼日。阮亭先生以祀南海事竣。次端州。遊七星巖。乘月來歸。嗟乎。古者天下甯謐。公卿大夫承命祀山川。采風問俗。歸報天子。如是馬止矣。先生之使粵也。舟車所至。與山林草莽之士。敦握手歡。一若相忘於富貴貧賤。而山水巖穴之足登眺者。必採取而盡其意。然則富貴貧賤。隱逸之山水。先生殆欲兼得之。其所謂不傳之山水。與不遇之士。先生又將傳之。而遇之耶。歸之日。出南行誌示儆曰。子其何言。儆

曰山水文章先生所自有者也即以儆與友人之相偶論者以質之先生

河道總督恪勤陳公墓誌銘

鄭任鑄

公諱鵬年字北溟號滄洲湖南湘潭人父太學生式穀母羅氏繼母賀氏曹氏其先居江西廬陵九世祖友德始徙今縣六世至大父金臺明經不仕撫從弟庠生元鼎子為子即公父也及公貴三代考妣皆贈光祿大夫一品太夫人惟繼母賀格於例未贈光祿五子公居長坐有異徵八歲能詩九歲作蜻蜓賦十八歲補縣學生康熙二十三年舉於鄉越七年登進士第三十五年知浙江西安縣西安經兵燹賦籍闕公親履畝丈歸田於主割餘以實虛糧悉除逃亡稅窮民來歸俗多溺女立法懲勸風一變力隲采礦害齊羣議民建祠爛柯山祀焉遂甯張文貞公題辦河工一年以天津同知薦會督撫舉仁廉吏移知山陽丁賦額闕前令抵寄居戶遭水人轉徙復編劬丁移里甲代納戶部以銀不及額符下縣公上言死不再生逃未復業請仍舊冊便夏霖雨河溢排啓壩議保東隄七州縣得無恙遷海州尋擢知江甯府米踊貴請發官米四萬石設九廩平糶禁士女冶遊驅娼妓而毀其居正昏喪禮期年民向化四十四年

聖祖仁皇帝南巡大府議益耗羨為供張公持不可且曰事苟上聞滋得罪大府怒陰奏公改妓所居南市樓為講堂率吏民讀法大不敬宜置重典

仁皇帝在行宮。已廉知公治行。及民愛戴狀。姑命聽勘。獄具。詔免死。赴京修書。方公居幽江甯城中。市晝閉。哭聲徧野。諸生剗伏願留。旗兵營卒爭贖錢具牛酒詣公。願一見。移勘於淮。山陽海州父老願身代公繫者數千人。比詔下。皆走郡治所。中庭北向焚香呼

萬歲。江甯民復留公像於明海忠介祠。當是時。公賢聲動天下。四十七年。邵公穆布督兩江。疏薦冬出知蘇州。未月。案牘一空。痛革奢俗。會飢疫。請告糴於上游。親戴米製方藥。徧往散給。鄉民乞食。富人不與。則聚而攫其倉粟。以盜逮繫者七十餘人。公至惻然曰。飢也。非盜也。皆杖釋之。邇年攝江蘇布政司。總督噶禮劾拘鎮江。

仁皇帝曰。比有密奏。陳鵬年遊虎邱作詩。蓄異志。自古小人率用此陷善類。朕素知鵬年。豈為若輩欺罔。因出詩釋文一紙示九卿。旋奉赦赴京。入對熱河。命為武英殿總裁官。公初至蘇州。往見噶禮。白事不跪。禮怒。呵曰。知府生死我手。汝敢爾。何也。對曰。鵬年果有罪。雖幸賜寬假。寸心具有銖鉞。如其不然。君死之。百姓安之。生死不在公也。徐步出。禮摘他事劾去之。度未得志。故構蜚語。必欲擠公於死。公性剛。敢任事。事上官動見齟齬。然廉明愛人。所在得百姓心。以此自結。

聖主厯試。然後卒大用。五十六年。署霸昌道。大猾詭賁。戚名盜礦。立捕送刑部。獄昌

平歲進瓜

帝曰。鵬年清官。安辦此。敕勿進。未幾。召回武英。六十年四月。命同張鵬。鵬視河。留辦事。秋。武陟馬營口決。公奏言。黃河老隄。衝決八九里。大溜直趨決口。請於對岸。廣武山下。大開引河。導溜南趨。迤東與正河會。然後堵築可興。又乞發帑遣大員用。長椿大埽。以資捍禦。先是。

帝已遣副都御史牛鈕赴工。奏至符。

上指冬。命署河督。六十一年春。馬營口南壩尾決。公言。水深溜急。土凍隄新。强塞於此。將移於他。惟分上流疏下流。可殺其勢。請仍用前議。報可。遂開引河。廣武下道東南入榮澤。已而奉旨還視淮。河南工專委巡撫。決口久不塞。秋八月。公至自淮。齋沐禱於神。復奏開官庄峪引河。露處視事。日不遑食。或中夜起拊循役夫。達旦更風雨霜雪不休。淮工郵傳日夜至。皆自批禽。已而疾作。初南北壩相繼潰。南合北幾合復潰。公力疾誓眾。涕泗交頤。人人奮死力。忽聞。

仁皇帝登遐。憂絕一晝夜。既蘇。踴哭不絕聲。十二月。北壩合。甫奏上。復潰。强起為文告神。誓死二十一日。北壩尾乃合。

今上嗣位。實授總河。頒賜。



仁皇帝御物曰見此如見

先帝。命御醫馬爾赤哈邁往醫視。御筆慰問。雍正元年正月五日。公卒。工所役徒皆哭。士民相弔失聲。疏入。

上曰。此真鞠躬盡瘁死而後已之臣。命賜司庫銀二千兩。毋錫封典。以一品廕子。諡曰恪勤。嗚呼。知臣莫若君。

先帝鑒忠於負罪之年。

今上定功於易名之日。公可謂遭時遇主。至於斯極者也。以康熙二年十二月十三日生。春秋六十有一。贈光祿大夫。元配石。繼配謝。皆封一品夫人。側室王孺人子七。孫男一。公不攬利權。當官不辭難。為州縣首革火耗。為府屬其屬曰。省一分耗。羨即完一分正供。署藩盡革加平。曰。我向固請免此也。總河兼權關主河工捐例。公上章力辭。曰。臣寔不能分理。及河南隄工起。則再自請行。漕督卒運漕。民船數千人乏食。而譚公立給河庫銀六萬兩。乃入告。

先帝深嘉之。先在霸昌督修密雲城。悉逐奸人。不逾時役畢。在海州賑山左甯陽飢。請發鄒滕濟甯穀價銀三千兩。繼之。將行。又請視他州縣免徵額賦。時縣官報災不時。上踰三月。公特切責所至豪強。屏跡。嘗親入博徒窟。室檢以歸。其黨駭散。漕艘故

泊隘。伺他艘觸。劫持其貨物。公呼吏縛之。行李獲安。淮龍江兩關所懲隸卒。皆此類。令下必行。卒未嘗強使從已。異時吳中觀音山。以竹兜代游履。食其力者三百戶。禁之。詣公訴。公偽遊山。問曰。太守虐苦子弟乎。曰。否。守愛我。顧我儕衣食於此。一旦罷。且餓死。太守禁婦女遊固當。不當禁客還立已之。公既廉明愛人。善聽微發。獄以不寬。他郡邑疑案。得公剖。咸帖服。初莅西安。徐烈婦暴棺十年。莫決。公廉得凶人。斃之。禮葬烈婦。為建祠。其他異蹟多可紀。或問何能答曰。在虛公表東海孝婦廟。立陸績廉石。復劉蒼後人。徭建狄梁公祠。風教大行。好賢下士。惟恐不及。薦拔多當代名。人。宦轍所至。未嘗一日廢書不觀。作詩頓挫排蕩。得之杜甫為多。尤善行草書。罷官時。持易酒米。人爭藏弄。以為榮。嘗遊焦山。出瘞鵝。銘於江波。且為之考前後。纂輯書六部。皆奉俞旨。所著詩文。年譜。政畧。奏疏。凡若干卷。公子樹芝等。上雍正四年二月三日。葬公於本縣東霧鳳形山上。先期來請銘。余既習聞公政事。與公交。豁然坦。白。君子撫楚至長沙。益知公內行修飾。事繼母。友昆弟。終身無閒言。書稱君陳克施。有政。公是已。余又聞。

先帝命公治京口步三。一夕就蓋。費人子募工。緹篋疊石成之。京師歲隆。市米潞河。牙人魏某叩自公所來。歎曰。廉吏廉吏。歸其直。輦米而至。嗚呼。此豈可旦暮釣取得。

之者哉銘曰凱且弟誠而動天下賀賢人用沛洪河以身殫壽殿施誰嗣恫州之東  
鬱霧鳳宅兆安福祿降萬子孫仍梁棟

鎮沅雙澤泉記

孫鵬

雙澤泉在新建石城之東門內。去郡署數十武。湛然一泓。鏡山之坳。而活活云。郡易土而流。官自雍正五年始。其時有土牆自山頂圍下半圯。無所謂石城。且無水飲。城以內人飲者。必出城走一二里。就河掬之。或以杓側承而起。注於木桶。擔之來家。去來不絕於路。先是城基甫定。偶與李公資園登眺。其巔慨然有感於曩劫。因論兵家攻守之道。至耿伯宗以戊己校尉引兵據疏勒城。為匈奴所困。絕其水源。未嘗不危。伯宗之窮於支敵也。若非整衣一拜。則飛泉何在。其城不為敵人立破者幾希。李公曰。冥漠之際。其理不可測。其說不可執。為常。幸而精誠可通。已絕之水源。隨念而轉。若握在手。然萬一天道茫茫。感而不應。應或不如。此之速。城中豈能十日不水。與敵人相持哉。此地即可城。如無水何。舍此又無可城之地。余曰。城之哉。姑徐以計。泉而資國司馬。亦若逆知泉之不難得也。惟城之是急。工未竣。郡太守易齋張公來受代。即始議建城者也。計歲已一周。而灰石輒瓦。工匠之營。僅過半。方斤斤督工。不遑暇逸。一日忽指苦竹叢下曰。掘此是泉。即有止之者曰。此為土守故宅。一片瓦礫。且多大石橫亘其下。要以鑿為。李公不謂然。井之不數尺。深已若牛渚。更深至數丈。得其源。涓涓出。不止。淵然而深。澄然而碧。時時汲。漚漚不少減。不汲亦不溢。其味甘。其氣

清冽。自是城中不復擔河水。嗟乎。城工人力可為者也。泉豈人力也哉。泉若為此城出者。天祕此不竭之源。以待李公揭於今日。不偶也。李公曰。得泉之日。為張公到郡之七日。其與渭川之飛泉。隨刺史馬足湧出者。無以異。是為張公之泉。張公曰。李公之所得者也。其誠於求泉亦已久矣。吾與兵若民俱德之。請為亭其上。而以李公名。二公推讓久之。余因題曰。雙澤泉。二公相視而笑。屬余為文記之。

國朝文匯甲集目錄

卷四十四

李

紱字巨來號穆堂江西臨川人康熙己丑進士  
官直隸總督禮部侍郎有穆堂初稿別稿

青苗社倉議

河套志序

六過廬山記

遊梅田洞記

記呂尚義破賊事

仁和仲烈婦傳

杭州張烈婦傳

孝義吳君墓表

林

侗字同人一字子野號來齋福建  
侯官人原貢生官尤溪縣教諭

謁唐昭陵記

來齋金石考畧自序

余懋杞

號瞿菴浙江諸暨人康熙戊子舉  
人官內閣中書有東武山房文集

書山陰王侍郎傳後

十三

鄭澹居先生傳

十三

安城楊公傳畧

十四

趙熊詔

字侯赤一字義華江蘇武進人康熙己丑一甲一名進士官翰林院侍讀有義華公制稿

重刊夏忠靖集序

十六

蔡世遠

字聞之號梁村福建漳浦人康熙己丑進士官禮部侍郎贈尚書諡文勤有二希堂集

家忠烈公遺詩序

十七

別有天記

十七

朱貞女傳

十八

盧孝子墓表

二十

劉彬

字玉章安徽霍邱人流寓雲南為永北人有鐵園叢語集

傅介子馮奉世陳湯班超論

二十二

尹德毅論

二十二

宋不取十六州論

二十三

惠士奇

字仲儒一字天牧號半農江蘇吳縣人康熙己丑進士官翰林院侍讀學士有紅豆齋時衡錄

防海

二十五

荒政議

二十五

宋高宗論上

二十七

王安石論

二十八

司馬光論

二十八

張大受

字日容號匠門江蘇嘉定人康熙己丑進士官薦修有匠門文集

株溪先生傳

三十

邵陽康君墓表

三十

徐用錫

字畫堂江蘇宿遷人康熙己丑進士有圭美堂集

看山樓記

三十二

王獻我傳

三十二

陳烈婦周氏碑銘

三十三

張

侗字石民號其樓山東諸城人諸生有故鶴園集

關象山記

三十五

蓬萊閣記

三十五



國朝文匯甲集卷四十四

青苗社倉議

李紱

朱子社倉之法與青苗同相沿至今近六百年後人以為朱子之所為也輒欲仿而行之然往往暫行而輒廢未見其利而先受其弊者徒知法為朱子之法不自量其非朱子之人則亦青苗之法也蓋奉行其法非一手足之為烈有監官有鄉官有社首有保正保副有隊長保頭有人交糾子朱子之始行於崇安也任事之人皆其門生故舊學道君子也今首事者之公正即無媿於朱子而分任其事者非朱子門生故舊之比則其法亦不可得而行也且不獨後之效之者未嘗量度其人即朱子之疏請下其法於諸路亦未嘗量度天下任事之人不能盡如已而分任其事者不能盡如已之門生故舊也則無怪乎其不能行也蓋有治人無治法者古今之通病社倉初行息取十二夏放而冬收與荆公青苗之法無異荆公治鄆嘗自行青苗之法矣鄆之人至今俎豆而尸祝之荆公以其為身所嘗試者他日執政遂欲施諸天下亦猶朱子請行社倉於諸路而不知奉行者之不能盡如荆公也是故奉行而得其人則青苗亦社倉矣奉行而非其人則社倉即青苗矣且青苗之法後人畏其名而不敢行社倉之法後人慕其名而亦不能行非獨利之所在任事者難其人即民

亦不能盡如吾意也。蘇子由論青苗之弊謂財入民手雖貧民不免妄用及其收也雖富民不免後期如是而敲撲之事煩矣。今社倉開報支米漏落增添必送縣斷罪其收米也如有走失必保人均賠是亦不能已於敲撲其與青苗有以異乎。且社倉之法與青苗相似此非獨余之私言也。朱子為金華社倉記嘗及之矣。其言以為世俗所以病乎此者不過以王氏青苗為說耳。以余觀於前賢之論而以今日之事驗之則青苗者其立法之本意固未為不善也。予程子嘗論之而不免於悔其已甚而有激云云。然則當時固有以青苗疑社倉者而朱子於青苗之法固亦取之矣。至謂青苗之所以異於社倉者以其給之以金而不以穀其處之也以縣而不以鄉其職之也以官吏而不以鄉人士君子其行之也以聚斂疾亟之意而不以慘怛忠利之心是以王氏能以行於一邑而不能以行於天下。斯言信耶。以余平心觀之則亦未見其為必然也。凡事欲其有舉而無廢非主之以官不可。凡官民相出納則金易而穀難惟給之以金故可以於縣而不必於鄉惟不在於鄉故止可給金而不能與穀。至於社倉之法漏落增添必送縣斷罪其有走失必保人均賠則亦不能終用鄉人士君子而必歸之官吏。其送官必斷罪走失必追賠也則亦不能全用慘怛忠利之心而究亦歸於亟疾推求利害始終之故。未見為此得而彼失也。雖然金可以濟

民用而不可以救民饑則必以積穀為主以積穀為主則必兼用常平之法余已丑禮闈試策嘗備言之又嘗為家居二倉條約頗可施行然非得任事之人亦不能如志要歸於有治人無治法之二言而已矣

### 河套志序

三代而下威德之廣無若漢唐而唐尤盛安東安西安南安北四都護之設相距各萬餘里而宋與明失之南失交趾受害猶未劇南故弱也東與西裔外之強皆依乎北北固強不可失且北不獨強地亦饒也故肅宗中興實基于此自唐末以拓跋思恭鎮夏州奄有銀夏綏宥靜五州之地又以功賜姓李益盛以強至元昊遂稱帝與宋相終始元復為王土明天順六年毛裏孩等復入牧日新月盛邊患乃有不可言者豈細故哉其地三面距河明稱為河套蓋河自甯夏出口北行千里折而東二千里又折而南千里乃入內地土地肥美溝澮井疆比於江南東連偏關西接賀蘭此地安則東與西皆可無患故曰東與西皆依乎北也我國家威德之盛遠過漢唐而北方訖暨尤遠長城而外東西萬里為蒙古四十八家蒙古而外為喀爾喀五十三家拜除黜陟同於內地自古以來未之有也河套之地雖為鄂爾多斯所有而奉法唯謹罔敢越尺寸志其地與否視古為稍緩然事勢亦有殊于前古者今蒙古與

喀爾喀號為循善而循者多弱善者不競西北厄魯特準噶爾頗為桀黠昔噶爾丹偶逞狂謀喀爾喀蒙古諸部落披靡莫當得從其眾聞

聖祖仁皇帝親征然後反正則循善者殆未可恃矣河套地四面折算約方三千里土地之美可耕可牧鄂爾多斯不能收其利也國家取為屯地則猝遇軍興歲省金錢百萬廟堂之計孰大於此陳君執夫故名冢子昔嘗監司其地乃約古今沿革戰守利害嘗為一書雖未為大備其用心固已遠矣抑吾尤有慨者有明自正統以後武備不脩邊防日弛患不獨河套而套為甚橫覽二百餘年間惟王襄敏紅鹽池之捷差強人意他若李文達主楊瑀之議而三帥不行楊文清請復受降三城而阮於瑞璣至夏文愍曹襄敏河套之議既已上愜宸衷功亦垂就而蒼蠅黑白頃刻而變卒以身殉谷氏所謂九重廟算忽智忽愚豈不信哉蓋千古來任事之難如此屬陳君走伴千里請敘其書為之掩卷而三嘆馬世之人幸無忽視之也

### 六過廬山記

余年二十讀桑喬所為廬山紀事愛之願得一遊貧弗能也後三年尋伯兄之武昌徒步走雪中取徑黃龍山竟日不得食過東西二林度虎溪橋寒慄無人色望寺鐘半明滅賦詩自遣夜抵太平宮僂卧旅舍藉亂草為席脫濕衣覆足冰雪鏗然有聲

明旦冒雪行望香鑪諸峰廢然徑去至楚不遇益困因人以歸尺寸不自主由廬山後掠坡陀四十里至大孤塘路人漫指五老峰天池諸勝青出雲表悵望而已又十年戊子歲舉於鄉公車北行過廬山去試期甚近同行者牽率逼迫亦不及遊明年己丑成進士學習史館庚寅請急省覲由浙江以歸辛卯抵家是秋兒子孝源舉於鄉冬攜以北誤傳散館有期疾趨過廬山又不及遊丁酉典試雲南歸由湘江迂道過家時向臘假裝還京師弟巨州兒孝源並以計偕從行十二月廿二日過廬山去會試時益迫又雨雪其不得遊如故也今歲己亥春二月奉命祭告南海道又出

廬山念祀典重大將事方嚴不敢作遊山計三月初九日由黃梅過孔壠南望江外赫然青亘半天則廬山也心怦怦動疾行二十里過江宿九江府明晨微雨戒行望山色上下與天地漠漠一形卻顧八驕車擁車騎厯碌隱隆山間爽然自失此蓋昔人所誚為塵容俗狀者山靈之深藏固匿豈不宜哉戲作小詩自責天漸霽雲開雨歇山尖縹緲隱見至東林早飢輟車騎過寺憶昔游如夢寐訪陽明先生題壁詩和之亭午至通遠驛聞圓通寺甚近騎馬往遊林壑幽深軒窗爽豁寺建於南唐後主僧目為祖庭今老僧景堂主之年八十餘談山中風景靈壺可聽因詢近地有可遊者乎僧言石耳峰甚近趣具筇輿緣仄徑而上約五里至峰頂望夕陽在履舄下

東北望馬耳峰南望雞籠諸山簇擁若兒孫拜其高曾惟東南五老諸峰崢嶸切雲亦僅若比肩僧言此峰之高止及五老之半据此望彼故若相等也半峰有石洞深阻叢木封其外宛若人耳殆以此得名王梅溪謂峰多石耳故名非也石耳不獨此峰有也紅杜鵑花照耀山谷又有黃藍二色攸境所無山中皆種茶循茶徑而下至清溪溪傍小菴門額為明弋陽王題書法秀健菴僧前導遊清溪泉石鏗鉤作響溪上大石長徑數丈為天然石橋僧以所攜餅盃就橋下汲泉置石隙間拾枯枝煎泉採林間新茶烹之泉冽茶香風味佳絕布種橋面羅列山果桃乾杏脯梨栗瓜薑並取諸山中無一物自塵市至者僧侈言山中所需咸具無求於人意頗羨之仰視溪旁石壁矗立柱天古苔如錦緞爛然類窺溪泉作微瀑三疊與白雲相亂四周林木高皆十數丈蔽虧日影恍然不知身在何境此峰與廬山未及百一其能移人情已若此乃知石隱者流長往而不返非無所樂而能然也日暮歸驛館嗒然若喪覺軒寬信為天繫已復自思三極之道各有所事若止求自樂何以立人極孔席不暖墨突不黔聖賢之心固未能以此而易彼也惟是山水之樂儒者不廢而余獨以公私奔迫六過此山而不能為旬月之遊固宜見哂於山靈耳輒記其崖略志余媿焉

## 遊梅田洞記

癸未春余以明府韋齋張公之聘至永新縣聞梅田洞之奇忻然欲往旋於縣志中得劉冢宰崧遊記讀之益想見其奇居半歲未及遊而歸明年復來遇歲大饑不可以遊既秋未則大熟九月八日公適以事自府歸舟經日暉橋於洞為近馳札訂遊遂以九日晨集於舟中針已舍舟從輿不二里遙見巒岼三峰拔起平疇中則梅田山也山頭鱗次亂白如殘雪餘皆深黑不可辨又行二里許黑者皆矗立雄挺意疑為古松既至哄然一笑蓋皆黑石豎者累尋卧者連畝若奔若跪若伏若起若勇而鬪若隕而倚若挽而羣升若逐而旅至恢俛諸怪莫可窮詰間為人取去新癩參錯則所見亂白如殘雪者也循山後而南為玉虛洞門高丈許中宏敞足容數千人絕地十數丈腹割如陶器漸隱以達於頂有竅徑數尺天光迸入石作淡金色半腹有圓白如小雞子光與日爭者相傳為夜光之珠暮輒晃然照一洞或連梯取之即失所在云稍進有浮沙盈畦為石田左有石方而長者為石床漸黑不可入遊者多止此余戒從者持火深入石乳交流金碧璀璨仰視嵌空豁豁如蠶房蟻穴蝙蝠千百撲火而起心魄動盪驚其奇益火再進其右陟數級而上一巖平底可坐立者為石房簾緣而下有流水泓然亂沙洄複朱丹晶瑩不定為石池命從者負以過蝙蝠益多垂乳益奇其右有石凹其中懸乳百尺本纖而末洪鬚髮下注者為石乳窟再入

則洞歧漸多。莫知所嚮。火且盡。遂出。昏黑中計之。約近二里。所見四翕。四張併外洞。已屬第五重矣。稍右為合璧洞。外闢兩門。中通為一。廣可二丈。深再倍之。旁有石巖。巖下有石。類人而肥者。為石羅漢。清泉碧乳。絳氣襲人。不可久立。出緣山趾而西。以求前洞。初入昏黑。稍定。有微光自頂入。上有小竇如甕口。洞高廣半玉虛。而倍於合璧。以火燭之。一立石甚高。名觀音石。右有石柱。白淨蜿蜒垂地。耳角皆具。為石龍飛泉被體。云禱雨多驗。再進有石淋浸。四垂枝條豐蔚。為石柳。蓋皆鍾乳之所為也。下有平石。逕二尺。乳頭迸出如基子。為石基枰。旁一石空中。仰受飛泉。縱錚不溢。為仰天盆。其圓者為石鼓。對立猙獰者為石獅象。叩之鏗然如玉。磬者為雲版石。土人云洞竅中多石燕。與常燕無異。以火照之。即伏不動。烹食之功。勝鍾乳。縣志載唐天寶中有言洞藏妙寶。真符者。命張均等求之。不可得。因名寶仙聖洞。余適至。是火盡不獲入。悵然捫壁而出。心為境奪。惴惴不自任。神仙之事。吾嘗疑在有無之間。由今觀之。無論其有。即此已絕人世矣。洞之奇。尤在響石。體百節疏通。一聲千應。笑語微動。便如雷殷。從者戲以紙礮相接投之。如山崩海嘯。玉虛闕而吸。其聲散類鼓。寶仙合璧深而弇。其聲聚類鐘。皆得世所未聞。其肌丹而乳碧。類林屋。所謂金庭玉柱者。其宏衍博奧。視杭之飛來。吞八九矣。嗟乎。彼二區者。生好事之鄉。故遊者日至。以此洞



之恢奇而棄於荒寒汨沒之陋牛羊之所息樵夫牧子雜聚而休焉天下之負其奇而不得自見於人者固可以一二計也哉余所見視劉公所記固已倍之而於洞之奇猶未能百一也然則天下之負其奇而正不屑屑求自見於人者又甯可以耳目測耶

### 記呂尚義破賊事

大庾縣民呂尚義世居南源山下其地在大庾崇義二縣之間土田肥美然界連廣東層巒峻嶺山有錫礦礦徒出沒尚老則亡為盜賊剽劫村莊人莫敢居惟尚義結廬其下數十年賊莫能害尚義與妻俱善用鳥鎗發無不中施放尤敏十步可放三鎗每遇賊至夫婦二鎗連環不絕歲殺賊無算賊恨尚義刺骨康熙四十年有廣東萬猴山賊渠藍某率賊二百餘人白日持鎗礮過大庾嶺昌言將往南源殺尚義復仇南安參將營兵莫敢阻拒聞之賴鎮楊鈞隨遣二守備率兵數百人往捕比至南源則賊已為尚義擊敗竄匿山谷矣時尚義妻已歿一女亦能用鳥鎗父女二人共殺賊五十餘人其餘匿山谷者尚未解散官兵以林深箐密莫敢揔捕尚義慨然前行曰第隨我來賊可盡得也尚義鷹目洞微見遠茅草中有伏賊百步外能見之發鎗即中咸驚起遂踰山以逸官兵環視不敢捕惟得沙礮三位而還崇義高令尚瑛

召尚義至衙。予酒食。賜銀。欲署為捕頭。大庾令亦欲委之。彼此列狀爭於府。蓋二縣俱有山賊。惟尚義所在。則賊不敢犯也。尚義俱謝不受。委曰。吾農民不願充役。但兩縣官長為安靖地方計。吾所居在兩縣間。何敢辭勞。南源一帶。吾女在。可無事。其餘兩縣地方。但有山賊。吾願隨官兵往捕賊。聞吾至。即逃矣。於是兩令大喜。厚賜而遣之。然廣東礦賊自是役大創。亦不復至。南安云。時鑲紅旗祝公鍾賢為南安守。公手兆龍親見其事。兆龍與余同在八旗志書館。為余言其端末如此。余唯古稱弧矢之利。以威天下。至兵刃既接。則有以氣與力為強弱者。自明之初年。西洋火器入於中國。遂為軍中無敵之技。雖由基之巧。項羽之氣。烏獲之力。一鳥鎗殺之。有餘矣。雖然。習其技者。貴精。主其事者。貴勇。技不精。則心手不相應。施放鈍拙。不足以制弓矢。志不勇。則臨敵倉皇失措。往往棄利器為敵用。若呂尚義父女二人。鳥鎗可連環不絕。技既甚精。以二人當二百餘人。而氣定神閒。不為賊亂。則勇亦殊絕。使天下為將弁者。盡得尚義輩效。馳驅豈不皆精兵哉。兵不必皆精。而尚義輩特以山居老。余故為太息而記之。

仁和仲烈婦傳

烈婦姓牟氏。仁和諸生萬安女生。而淑慧。始知方名。授以孝經。女誠諸書。即解大義。

數桑棊組事。軌無學而能家。故寒素頗以女紅佐生。既工且敏。十歲以勞得疾。或召  
醫視之。囑醫言無苦。詢之則曰。恐傷大人意。咸嘆異之。年十五。歸仲氏。踰年。仲氏子  
卒。烈婦慟絕。自言無子。當從夫地下。其家大窘。守之母氏泣撫曰。汝出閨時。汝父遊  
學京師。今將歸矣。不能少緩一見父乎。始勉存視息。既父歸。得其情。懼其既見將遂  
引決也。念其勇於義。宜可以理奪。因就慰且勉曰。慷慨從容為節。雖一致。顧難易則  
有間矣。阿子信賢。當為其難者。且若翁早世。若夫又至此。太翁姑春秋高。若能節不  
能兼取孝行乎。烈婦反復竟日。始泣拜受命。自是素衣蔬食。為孝養計。益篤以嚴太  
翁嘗患危。疾視者咸謂不起。烈婦涕泣夜焚香告天。祈代。越日竟愈。後再十年。太翁  
姑皆逾七十。憐烈婦年猶盛。終無所依。密謀嫁之。有日矣。烈婦驟聞哀慟。連中夕。明  
日姑往視。發扉聞然。閣中橫一几。跋燭爐香猶在地。布袍覆若祭告之設。急索之不  
獲。家背河啟後戶及岸。得其常服屨及箴筭諸物。始知烈婦自沈也。沿河沒訪數里  
許。無有。忽人自上流來曰。某溪中一女子殪。立疾趨視之。則烈婦也。蓋烈婦既死。其  
屍逆源。又刺入旁溪里許止焉。溪上山。即烈婦夫所葬。其靈異如此。舉歸就斂。則衣  
衽齊及裳。相屬至襪履。皆綴縫無隙。當事自大吏以下。聞之駭嘆。設奠奉主祀。杭故  
忠節祠。吾今乃知史策所書奇節不誣也。而又有過焉。往讀元史烈女傳。長樂石梁

國朝文匯

卷四十四

六

甲 集  
國學扶輪社印

柯節婦陳氏以至正二年海賊入掠被執登舟行二里許振衣投江中明日屍逆流上止石梁旁嘆為絕異今何其一轍若此乎吾聞泗者之言溯洄一里當溯游五里又水性上漫下激入焉即仆自非烈婦正氣之盛烏能以弱質抗洪濤逆潮所宜依歸而卓然若是若夫色養十年明心一旦中宵哭奠成禮然後縫裳赴波動與禮會無毫髮遺恨以視昔人有尤難者嗚呼忠孝節義天地所依以立也斯人不世出則乾坤或幾乎息矣烈婦父與余同屬廬陵官舍久得其事最實且詳故次其梗概俾史氏得有所采焉

杭州張烈婦傳

烈婦姓劉氏漢軍某旗人鄉貢進士張子四維妻也張子字若仲浙江錢塘舊族明吏部尚書諱某裔家既落又少失母父諱某以微貲賣於粵挾若仲與俱至潮州府有中表某在知府劉某幕中來過訪見若仲髫年端麗聰慧絕人數稱於劉守劉有數女無子因令入見大愛之以次女許字焉即烈婦也既若仲隨父歸貨竊不售盡喪其貲若仲又以疾跛其一足劉守有弟官浙江見而恥之屬書其兄諷使負婚約劉守夫婦惑焉將別字伉儷子烈婦以死自誓父母勸譬百方莫能奪乃召若仲往就婚烈婦既失愛於父母又其姊有贅壻為顯人子同在署榮悴相形受侮益不堪

烈婦勸若仲揭已歸若仲念家室濡忍不能決烈婦恚曰君少負雋才乃無丈夫氣取遂辭以行奮具一無所取既歸無以為生烈婦工繡習繪事晨起作畫夜刺繡給薪米若仲感其意力學補弟子員康熙庚子歲余奉命典浙江鄉試得一卷絕整雅自破題至結語皆排對而讀者不知其為排亟取之放榜則若仲也明年計偕下第卒於京師柩歸烈婦號不絕聲未幾竟死以殉哀哉又三年若仲同年生金子長孺虞為余言其如此嘆異久之長孺高才博學又與若仲同城居其言可信遂用其語為之傳焉方余典試還朝愛若仲才耳不知其窮也其卒也余方落職出都亦不及知然余生平疾夫世俗鄙夫炎涼於骨肉使早知若仲有賢耦而困絀如此或有以振之使不至顛隲以沒雖死生有命而余之心與力固有所未盡也烈婦屈志艱苦佐夫未嘗隕穫至夫沒遂以死殉者謂絕意而無可復望於世也亦烏知世猶有為之文以傳其事重歎衆歎而不能以已者耶使余文幸而傳後之讀余文者又將重歎衆歎憑弔而不已則烈婦不朽矣彼其父母之鄙與所謂贅壻顯人子不過與草木同腐固不足復道即若仲或不死備名位烈婦與被顯榮偕老亦不過聊以愧世俗鄙薄而已烏能發志士之悲至於如是哉烈婦亦可以忻然於地下矣烈婦生一子一女聞今有於族人他日倘相值當有以卹之

孝義吳君墓表

後漢書始為獨行傳蓋行至後世而漸衰焉舉世莫之行而獨行焉故傳其事以為可貴焉耳至宋書易為孝義傳則又取行之重者以為非他曲謹所得與也晉江吳君歿二十年安溪李侍講清植始為之傳而私謚以孝義斯所謂可貴而甚重者耶明年其孤子常德以狀來請表其墓齋咨涕洟再拜稽首曰先君之行大學士李文貞公嘗許為之敘述謂侯德成進士而後為之德實不力比歲丁未始倖登第而文貞公即世已九年矣惟公文章必傳無疑願託一言俾先君不腐余取狀讀焉感嘆者久之此豈特宋書所無哉雖東漢節義未或若斯之烈也君諱鴻錫字允康生七歲而海寇亂考諱萬佑挾以避居浙江適兵部車駕司郎中滿州噶公尼布奉命來造戰艦延君考於幕數月君考卒噶公挈君歸京師命其家人忠樸者父之君請呼以叔曰父一而已噶公大奇之曰七齡兒能辦此耶噶公清宦家漸困君亦稍長助任芻牧精勤勇猛芻恒有餘因以易錢市書冊弓矢私習之又市果酒就能者質焉數歲遂通滿漢文精騎射一日噶公閱射方怒拙射者君從旁指導噶公謂汝能耶汝手弓君徐進縱送合法三發皆中噶公益奇之歲癸亥君從兄雲麟以平臺灣功授溫州營參將引見至京因就噶公乞君歸噶公喜遽諾之君獨潛然流涕曰

我未可以歸也。我七歲育於公。今我壯而公老矣。三子始扶攜安所恃。必俟公子成立。我乃可歸耳。噶公聞言。持若大慟。遂不果行。正紅旗謙郡王之孫鎮國公海清。噶公壻也。高公義請隸其公府。佐領俾久居旗下。以成君志。從之。明年噶公果卒。夫人以哀毀得狂疾。長子和順甫七歲。次和籙六歲。和麟五歲。君獨力治喪事。盡禮然。噶公新喪。族中諸豪與隸人悍者。耽耽欲蠶食其家。君信行素孚。又材且武。諭以義。懾以威。咸莫敢如何。家故不及中人。君精心計。權子母。贏縮歲入恒倍。日以饒。延良師課噶公三子。食飲必親饋。業稍進。則頓首謝師感之。並盡力。又親教三子國書。稍長。並為娶名族女。君尤謹於禮冠帶。終日不怠。司櫥以婦人。歲時慶祝。君盛衣冠率家人入執事。事畢親率以出。中外肅然。和順年十六。有忌之者。擢為護軍。將困苦之。每番直。君佩刀以從。夜直則露坐中。夕人莫敢加害。顧念非通仕籍。無以免厥役。而噶公故交。無能相援者。惟大學士阿公蘭泰。曾同任兵部。又以事相失。君獨謂阿公長者。可以義動也。日率三子候公門外。公得其情。果惻然。問諸子習國書乎。曰皆習孰最優。曰和順優。阿公諾。以中書用之。既而首輔索公額圖欲用其族子。君即為書言和順孤苦狀。伺索公出。跪而上之。索公大怒。擲書去。不顧君跪其門。五晝夜水漿不入於口。困垂斃。索公大驚。撫曰。世乃有義烈如子者乎。吾用順矣。順就內閣試。果補

錄乙亥歲

聖祖皇帝親征厄魯特君勉順曰 國家有事正臣子效命之秋亦子發迹地也亟為治裝請從征遂從大將軍伯費揚古由西路進君結束從行數日家中宵小攘竄遽起使人追君還君泣謂順曰吾不得偕行矣雖然死生命也戰陣無勇非孝即非忠子必勉之怒馬抵家宵小亡匿訖無事而順亦自力矢石間得功牌二凱旋議敘陞禮部主事有約順會飲者以博具佐觴政君知其匪人也拔刀衝座執其人數曰飲博非居官所宜順孤子汝何得以此誘惑必殺汝刀觸席鏗然其人大呼乞命叩頭不已使捽而去之引順以歸或問人可殺乎君正色曰殺人者不過死耳吾已許噶公撫諸孤而坐視其溺於燕朋誠生不如死吾死而諸孤知勉則死賢於生矣然順自是不復與燕會癸未山東大饑朝廷遣官往賑和順在行君曰此仁人君子盡心時也從以往分賑武城廩未發君即以私錢市米因逐戶稽冊先量給之念民居有僻遠不能至縣者度四鄉中地得南魯集為散賑所又懼民饑久不勝任負日為蒸餅萬計人給大餅二然飢腸驟飽有致斃者或言先飲蘿蔔湯則無患亟為湯蓋日活民無算武城十萬家得實露

皇恩者君佐順力也事竣歸武城泣送者數千有送至京者歲丁亥順奉 命收密



雲關稅君贊曰負販小民不可取其稅倘額不及以家財足之可也民大悅競趨之  
額亦數噶公次子和鼎習舉業遇鄉試君述先德勸課恒涕泗交頤猶懼其怠穴其  
几貫鐵索自繫以守之鼎驚謝請脫繫不許請益力遂中式以微誤抑置副榜君弗  
憚為送律例館任校錄鼎弟和麟年十六君即攜赴永定河効力為通籍資河故名  
無定水怒土疏潰壞無常君為親督舂揭隄成而水驟漲君晝夜守視增卑培薄直  
隸巡撫于公成龍夜出視隄遙見有拜於隄上泣籲河神者召詢之則君也于公嘆  
異脫襲衣贈之是歲隄壞者多麟所占獨不壞以功議敘補筆帖式今任刑部郎中  
蓋噶公三子皆賢而君所以成之者為尤尤此君卒三子去纓席地婦皆披髮去璫  
如居父母喪葬之日皆徒步扶匭至塋哀毀過節蓋君所以感之者深矣初君以噶  
公有育已恩矢扶其孤不得歸念父母邱墓南望輒隕涕募良工追寫父母像遇忌辰  
及歲時伏臘率妻子泣奠竟日檢篋得厥考遺衣冠就噶公墓相近地招魂葬之寒  
食拜婦盡哀每歲除尤嚴餽奠終夕款歡徘徊厥考及噶公兩墓間達旦始返或謂  
屠蘇辛盤君不歸家人何以安則泣然謝曰吾少孤不逮養義不當受家人之養也  
生平精於治家而自奉盡受人之施一飯未嘗不報其施於人則千金不言惠沒之  
日戒諸子取朋舊稱貸約盡焚之愛故士大夫雖少者必加禮然持身整肅嚴肅見

者敬而憚之在武城賑荒時有舊家落魄子工諧媚屢進謁和順談笑傾其座人惟君在則汗流氣塞終席不能出一語其幾於寬而栗者耶君生於順治壬辰歲十一月卒於康熙己丑歲十二月年五十有八娶宋氏不孕又娶劉氏側室潘氏劉氏生二子一女長子世久仕至王府親軍校授奉政大夫次即常德丁未科進士見充八旗志書纂修官余同任纂修事故知君為詳君奇節偉行嘖嘖在人口其小者皆足以含跨古獨行不能備書也書其大者表於墓以徵國家風化之盛以明人心之良雖後世無殊於三代俾世之偷末者知所振厲而習文而行不至者亦內觀而知愧也

謁唐昭陵記

林侗

幽岐豐鎬周之所都秦咸陽漢隋唐長安百里之內王者更居惟雍首九州其襟帶河山固宜為神聖所奠宅千百年來代屢易廟社毀而陵寢未泯靈爽斯在尤百世下所瞻仰而流連者也若夫恩洽意遠典備規宏則有唐昭陵邈乎莫及已康熙庚子伺侍親令三原居秦數載往來諸帝陵下因得按籍而記之獨詳於昭陵者記為昭陵作也大抵昭陵去長安近而畢原之有陵則自文王始在今咸陽北十五里後數武即武王陵稍西南三里成王陵稍東南三里康王陵嘗聞說者謂文王以兩膝抱孫而以背負子其制度出於周公似有然者秦始皇陵在臨潼縣東驪山雖發於項王牧子之手其高五十丈則不能削而平之也漢陵多在畢原之上蓋長安城南八十里為終南山不可以陵為其北向也惟城北五十里渡渭為畢原原南北三十里東西三百餘里亦謂之畢陌首起興平為始平原中咸陽為畢原尾入高陵為鹿苑原如高祖長陵惠帝安陵文帝霸陵景帝陽陵昭帝平陵元帝渭陵則皆在咸陽東即文陵之東也陽陵則屬高陵如武帝茂陵成帝延陵哀帝義陵皆在咸陽西即文陵之西也茂陵則屬興平皆面終南以渭為帶漢陵去長安遠者不及百里北至畢原而止兼王侯將相松楸在焉唐興不可以復置陵矣於是從畢原北渡涇又八

十里為三原縣之白鹿原。作高祖獻陵。其後故宗莊陵、武宗、端陵皆在白鹿原上。甲辰秋，侗自三原遊西夏，從涇陽王橋頭西渡涇，則九峻山巍然在目。昭陵因中峰作元宮，高百仞，記所云架閣以入棺者是也。蓋地脉從崆峒來，涇環其後而出其東，仲山嵯峨東障焉。渭遶其前，岐山梁山西峙焉。其南則終南太乙，天外列屏，封內周迴百二十里。陪葬諸王妃主勳舊番將凡百六十餘人，東西班列，墓布有序，所稱丞相冢者，乃魏文貞公墓也。文皇御製碑仆地，且無文字矣。英衛二公，詔準漢衛霍故事，起冢象陰山、鐵山，以旌殊功。土人呼為上下三冢，謂冢有三峰也。他如諸番君長突厥頡利、諸可汗及高昌林邑諸王擒伏歸降者，咸刻石肖其狀貌，背刻其所授大將軍諸名號，或仍其國主之稱。凡十四人拱立於享廟之前，皆深眼大鼻，弓刀雜佩，壯哉誠異觀矣。北關之下，六石駿如生，摩挲其鬣，讀其銘什伐赤、拳毛騧、固太宗、嚆昔之所乘而有功者也。當時百六十冢皆有穹碑，夾以蒼松翠柏，長楊巨槐，下宮寢殿與表裏山河相為映帶，其規制豈塊然一坏者所得並哉？朱梁盜掘之後，再厯千載，今惟阡陌縱橫而已。侗振衣下馬，遍拜諸墳，塋有此若崇山，陂陀斷續如英衛二公之冢者，有巉峭如懸崖絕壁，不可攀躋者，有頂平如盤，坐可百餘人者，有下方上銳，漸削如浮圖者，有如臺者，有如壘者，有剝其半以為田者，有僅存如堵牆者，有茫然無

可形似僅有碑及石獸可見者有墓無而碑亦無祇有石獸草中者瞻望不暇冬從塞下歸復盡一日之力尚未遍及明年春因命工按搗諸碑之僅存者得文昭文獻英衛十六碑並昭陵駿馬諸圖記其墓之無存者固多不但碑也夫周幾漢甬人生未易至其地且於魏魏九峻又得親睹夫貞觀君臣死生同歸之誼深感夫際會之隆也而一代王侯將相之謨猷於殘碑斷碣中有徵焉詎非幸歟因為之記

來齋金石考畧自序

秦人謂古長安墨洞可與太華三峰爭奇不知曲阜闕里之金石亦與泰山天門並峙第岐陽石鼓既入成均而詛楚湫文亦入宣和御府則周秦石跡留在關內者蓋寡矣西京碑版未興惠帝以四皓有翼贊功其歿也為之製文立碑此後世人臣表墓之始建武都雒以後聲名文物悉在中州逮乎延熹中平之際士矜名節生有里巷之謬死有碑碣之樹蔡中郎為郭有道書碑人服其當書石經於鴻都門觀者日數千人今尚有隻字片石存乎然則人何必盡有道書何必盡中郎所謂文章至東西京字至魏晉皆足以垂不朽況晉字顧出於漢者也臨河者不知發源於星宿不免有望洋之嘆第時代既遠古跡易湮毀於兵燹壞於牧豎與夫湮滅於荒墟陵谷之間何可勝道又或如歐陽公所云有力而不好好之而無力者且往往皆是趙明

誠金石錄二千卷漢僅十之一。歐陽集古錄纔三之一耳。楊用修金石文多出於洪丞相之隸釋。版本雖在碑石亡者已過半矣。近代如都元敬王元美趙子函皆有嗜古之癖。其所收錄亦只十數。是知穹壤之內神物有數。未易以強求也。侗庚子歲侍家大人令三原。居秦五載。摹搨唐宋名蹟二百餘種。惟以不得一漢石為恨。後獲甘泉宮瓦於淳化山中。篆文曰長生未央。嗣秦友復以郃陽令曹君碑見遺。斯時篋中方有二漢跡。乙巳秋家大人權守開州。為衛東境。去魯不遠。丁未初夏同行。子叔至關里。仰瞻聖居。逡巡遊廟廷。因摹得古碑幾三十種。為漢者五。五鳳石刻乙瑛史晨韓敕孔宙是也。為魏者一。黃初封孔祀者是也。次日謁孔林。又得治書御史博陵太守二漢碑於叢棘中。歸過濟州遊學宮。則北海相郎中司隸執金吾尉氏五碑在焉。復摹之而歸。是行也。凡得漢碑十二。魏碑一。舉平昔所願望而不得。一旦盡入行篋中。十餘年來家大人謝病歸里。旋遭變亂。書房數椽奪於戎馬。借棲蠅室中。已未春偶得漢蕩陰令張遷碑於故家。因重繙舊篋。集漢魏書帖凡十六碑。手自裝潢。閱月而成。卷帖列為十冊。護以名木。夫蒼頡古文一變而為篆籀。再變而為佐隸。魏晉以降。義獻遽為後世宗工。今人殫精竭思求其跡而不可得見。則溯而上之。欲覩漢氏之典型而彷彿其萬一。豈不難哉。予以曩日遊於燕趙秦晉之郊。攜善搨工及楮墨。

以從遇片石隻字親為拂拭摹搨故所收石蹟頗無遺憾若漢與魏惟此十數多在  
洙泗之間豈非文明奧土斯文在茲類有鬼神呵護穹碑螭碣有不可泯滅者歟今  
者河山迢遞交遊半凋回首昔遊杳若往事恐金石之堅有時而泐循覽斯集竊謂  
於山見泰華之高於水見河海之深而於書見漢魏之文也不亦洋洋大觀矣哉

書山陰王侍郎傳後

余懋杞

嗚呼此吾鄉王山陰傳也山陰文章氣節與蘇文忠等文忠為元祐黨人以口舌詩文得禍放逐海外僅獲生還山陰當逆閹煽禍流毒士大夫之日好豎牙頰以敵小人期少助東林之氣而中傷者盡起屢仕屢躋位不副才及乎晚節國事糜爛不可收拾江東一丸建小朝廷蒲輪再返始拜宗伯之命垂白老成枕戈泣血一死以謝先皇其亦可哀也已余惟文忠嫉惡甚嚴而終身與程正叔忤諧詞致隙君子惜之山陰救護正人不遺餘力而微文諷刺託為淳于東方之說卒犯羣邪之怒其不遭厯衛之毒者幾何乎薑桂之性老而愈辣諫書機草伸布大義馬士英等舌吐膽落嗚呼此豈僅以嬉笑怒罵為文章乎運丁陽九國社再屋噍噍之夫不可作矣夢夢之天不可問矣採薇之名爭光日月又際不諱之歲朝賢子孫得以顯其先人於是華亭蔣侍御為之傳既詳且核行將上史館藏家乘而余公卿後進也幼習公文章節義慕其為人今年季冬來陽山獲讀是傳喜大節遠播得與文忠相頡頏而知天下後世不復以文人學士目之也

鄭澹居先生傳

越有隱君子曰澹居先生高曾祖父奕葉光顯有聲先朝郡中推為甲族先生獨恂



恂儒雅不啻輩素少負雋才功名可引手致其朋儕皆取科第躋臚仕先生獨早棄科舉之學一意以棲遁為樂視人世勢利營進泊如也先生賦性坦易不自崖異處稠人中皆以為可親豪於酒遇飲輒醉春秋佳日喜出遊所至主人觴焉輒留未嘗拒先生工書吾郡自徐青藤王謔菴以書法名海內先生起而繼之幾與之埒求書者踵至先生皆無所靳凡士大夫名園甲第高樓曲榭必以先生書與琴樽藝鼎相錯扉窗几案醉墨淋漓獲之若珍寶故知與不知咸熟其姓名或疑其為詩酒名士而先生非其倫也先生嘗隻身遊京師沈飲數月而歸不交一客不謁一顯要亦未嘗間出其書示人先生故工詩在王孟之間未嘗自言興至有求書者間書以予之不誌姓氏讀者疑之謂出於唐人久而詢之則先生白也方先生遊京師時朝廷開館閣招四方文學士繕緝祕書於是四方文學之士雲集京師皆思以其技自獻幸為主者所錄隆恩異數幾出制科右先生苟欲於此時干進彈指石渠金馬矣而先生浩然襤被以歸戚友叩其故漫應曰吾不忘紹興家釀耳嗟乎非隱君子能若是乎先生生二歲而孤孝事寡母處兄弟怡怡無間言撫姪若子與朋友交然諾不渝家素裕不事生產漸替未嘗妄干人諸子姓皆能讀父書世其家先生狀貌不逾中人而議論穎發諧談曲中常傾四座善奕棊年六十有九而精神不衰

余懋杞曰先生與家大人為莫逆交家大人每聞其言輒歎其名雋家大人性不飲先生至輒置酒極歡杞為童子時先生見所為課業輒許為大器今年孟冬命工圖小照欲屬杞為傳杞以不文辭不許猶憶異日先生鏤一小牙章向沽酒取飲文曰酒中仙嗟乎酒耶仙耶是則先生而已矣

安城楊公傳略

安城楊公故山陰處士也父蕃明鎮江副總兵官生四子長即公少喜讀書任俠年十七為諸生思陵末造天下多故慨然有濟世志與里中高才生及四方豪俊交名日起然坐是流離絕域數十年而歿始公與朱伯虎吳佩遠魏雪竇遊奴視羅蹏士士亦莫之敢近及伯虎死佩遠入滇雪竇為怨家所構稱與張煌言交通罪不宥詞連長興錢允武允武妻貨千金屬公營救書為避者所獲嚴拷允武索公甚急允武死不承公遣人謂允武曰吾名在牘詎能免我出則君寃自白毋自苦也遂詣獄獄具魏錢坐死公流甯古墟康熙壬寅仲冬也時大雪出塞膚肉凍結耳鼻手指觸物輒墮過混同江入那木色齊橋木夾道蔽日月老根穿裂石鑿冰雪灌橋馬行輒踣豺虎罔兩白晝嘯呼徹山谷同行者慟哭惴惴不免公獨周覽山川險阨厯書所見作詩歌紀其事不異平日明年仲春抵甯古墟為金元上京會甯府地近冷山五國

城距京城三千里矣。土人及駐防將士皆樸魯。衣魚皮。漢人以罪至者。多依為生。傭使之。公至。獨為屋以居。入山伐木。壘土石為炕。皆身自擘畫。土人初奇公狀貌。至是益服其才。公稍出漢物與市。土人貴漢物。爭出菽粟來易。遠約漢人共賣。菽粟漸饒。土人既仰給於費。不敢輕漢人矣。公曰。未也。尚不知禮教。於是教之讀書。崇退讓。躬自養老。撫孤。贖官奴婢。同難蕭山李兼汝。蘇州書賈朱方初。沐黔國忠顯弟忠積。皆康焉。贖朱大典孫婦劉振英。河南李天然及其弟諸生希聲夫婦。湖廣衛守備王某。皆罪隸也。凡貧不能舉火。及婚喪者。公為倡率周之。富人感其義。爭助公。以不與為恥。曰。吾不可以見楊長者。公居甯古塔數十年。安其俗。嘗奉巴將軍檄。練水師。混同江禦俄羅斯。移家小烏喇。既而罷歸。性至孝。母喪年餘。計至哀。毀骨立。啜粥。杜門三年。子賓出塞省公。公年六十八。鬚髮未半白。善飯。步履如飛。鐙下能小楷。語至夜分。以為常。賓歸。訟冤闕下。南巡復叩闕。請率妻子代戍。衛士筆之幾箋。卒格不行。公竟歿戍所。康熙辛未季冬也。年七十。公黑而長。脩髯偉幹。見者畏之。娶范氏。公出塞例僉妻行。或請代。范夫人毅然不可。三子賓寶竈。皆夫人出。公歿不得反葬。賓寶泣請兩曹幾二載。憐而許之。夫人扶柩入關。土漢送者哭聲填路。公初名春華。字友聲。出塞更名越號安城。其所居鄉也。公仲弟某。官總兵。公得罪後。事母撫子女成。

立俾無南顧憂三字皆有聞賓尤賢

逸史曰自公出塞鄉里以為諱子兒時稍聞長者道其二三軼事日久漸遺忘欲為之傳恨未悉始末來都下見狀及銘多敘出塞後事計公出塞年已四十豈四十以前竟碌碌無奇耶觀公始禍處患難不媿古人而四十以前事竟無足記抑作者不忍言姑闕之耶公瀕行語賓曰汝讀書嗚呼可以知其志矣

重刊夏忠靖集序

趙熊詔

士君子經世之學必其所見者大而後極天下艱鉅非常之事集於其躬可以從容應之而不亂而其發為言也亦皆本乎至性形諸至情粹然儒者之言不假雕琢而自得乎風人之旨故其人傳其文亦傳夫子曰有德者必有言蓋言者心之聲仁義之人其言藹如也勝代名卿賢相楚彥最盛而君臣相得直追都兪喜起之風功名始終無毫髮遺憾者惟夏忠靖劉忠宣兩公有焉忠靖籍湘陰忠宣籍華容地之相去不遠也忠宣在孝廟時軍國大事悉諮議而後行言聽計從得君矣而未及相忠靖歷事四朝職雖農部實兼九卿之任仁廟時進少保宣宗時復念公春秋高俾輟部務專論道左右則隱然爰立之意也余嘗訪二公遺集不可得嗣得宗宣遺稿於其裔孫學坦孝廉迺抄本未授梓寥寥不數篇存什一於千百而已既而湘陰學博詹孝廉以重刊忠靖集請序於余余喜若獲拱璧受而卒讀如見公之為人因歎公立朝幾四十年器量宏遠而遇事能斷鎮定不撓雖貴育無以奪之蓋其為國為民所見者大而不在區區利害得失間也公之輔監國治水患大績具在史策弗暇更僕數觀其進言於君將順匡救不為激直之詞似乎以柔克者然奉命拜西域法王竟長揖不屈及諫北征受命整邊儲尋遣錦衣召還趣行甚急公徐徐俟治粟畢方

行至御前極言宜修內治不當勤遠略歷數古今成敗持論侃侃不少變又何其強哉矯也當是時國家方繁費動以億萬計公盡心理財一切調度無弗給者嘗取天下賦役糧儲之數書小帖置袖中及顧問縷縷條對不失命黍至其治水東南也有言水退田淤可召民佃耕以益國用者詔問公公以民疲已甚不堪重役亟馳奏之事得寢嗚呼非深識遠謀不為利害得失所動搖者惡能若是士不可以不宏毅如公者可謂宏與毅兼之矣所著詩文樸而雅莊而溫天真爛漫辭達而止顧其忠君愛國仁民利物之意已洋溢楮墨間有德者之言宜其然也抑公尤篤於孝友母太夫人歿公方坐繫仁宗即位急出公令視事泣請終喪疏十餘上不允嘗夜哭聲徹廳事間兼食兩俸任其季弟取之不復問每有賜物必捧而泣痛太夫人之不及見也必以分遺兩弟故集中思親寄弟諸詩尤悱惻動人然則公之德被生民功施社稷不動聲色而措天下於泰山磐石之安皆其天性過人立本以致用者也而士君子有志於不朽之業者本之不止遑問立德立功與立言哉余既景仰公之為人而復嘉學博之能網羅舊聞表章先哲也為書數言於簡端庶幾後之君子覽觀而興起焉

家忠烈公遺詩序

蔡世遠

吾縣在閩多理學節義之士明李流寇之亂捐軀殉節者四川戚茂道忠愍公諱肱明長沙司李忠烈公諱道憲其最烈且著者也雍正十年表第陳君矩亭令長沙即忠烈公之死所也彙刻公遺詩合前後輓詩都爲一集世遠讀之不禁憮然三歎也當獻賊之破武昌下襄陽而窺長沙也撫藩監司以奉吉藩爲名相繼遁衡州時太守入覲公攝行守事練兵措餉爲死守計賊知公愛百姓曰不降吾且屠長沙公泣曰甯殺我無殺百姓即手刃棄城者數十人賊駭而退總兵官尹先民陰送款於賊與戰詐潰長驅逼城公急出百姓十餘萬戶以孤城自誓城破被執脅公降公怒罵不屈使先民說公公罵曰恨不斬汝萬段手批先民先民羞走賊擲刀堪公胸血濺賊首仆地賊膽落以刃加頸公揚眉舉足自若賊斷公足裂其脣截其兩手罵益烈鉤舌毀齒抉眼割鼻寸磔以死先是公被執時有役九人從公不去賊先殺其五人以懼公公不爲動公既死次及凌國俊國俊者九人之一也國俊曰俟我葬吾主後受戮賊許之國俊枕尸呼天大哭解衣裹肉骨葬之城南醴陵坡還詣賊賊義而釋之國俊曰是我藉義名以偷生也遂自經死事聞贈太僕諡忠烈廟祀勿替兵使者堵公引錫爲衣冠改葬籍諸紳士從逆者產爲公祠田吾鄉倪君康年令善化倡新

公祠復祠田之被侵沒者撫軍丁公學孔趙公申喬相繼表墓釐祠事以國俊從祀公以名進士起家死時年方二十有九所爲詩清幽峻靜凜凜皜皜如其人嗚呼自古國家多難擾攘急迫之時豈無賣國求降偷以全軀身蹟顯秩者顧其後世子孫以爲榮乎否乎即其鄉之人以爲榮乎否乎引而近之乎推而遠之乎公死已近百年而凡官斯土居斯地者莫不憑弔嗷唏感仰而不能自禁況於譜系之末梓桑之舊乎忠愍公之死緣松藩鎮帥朱化龍內叛脅降兄弟妻子家散死者三十二人公之死因尹先民款賊忠義所激感及從役豈不長垂天壤乎凌國俊一徒隸耳一旦舍生取義遂使官紳兆姓瞻拜敬慕歷千百年而不衰然則偷生者貴乎義死者貴乎讀斯詩者可以慨然奮矣

別有天記

別有天在梁山下邑治南十里許湮沒者久矣甲寅之亂先王父避居梁麓乙卯始得之初入有潭潭上蓋以大石旁二石夾而起附於潭分其半覆之瀾漪潏洄黛蓄膏渟水聲動則羣魚畢集可垂短竿釣天陰似有物憑其中疑爲龍故名蟄龍潭從潭上行五六十步峭壁巖巖右方有石突起廣且平旁夾兩流宜於亭因預名之曰夾流亭復南行二十餘步爲戴石閣閣中可坐三四人從閣折而東有泉流斜石似



瀑布其下有石井深不可測從石井西屈曲上有水從空中噴薄而下是爲噴珠池坐其上穿流北眺城郭煙村豁然指顧間階而下若堂若鋪几席若由閭奧登樓所謂大洞天也由洞中央上與幽螺虬日影參差下漏行少盡天氣朗麗光耀金石轟列闕其一下有石坐可數十人其左方即琉璃洞從鰲龍潭至琉璃洞約八九百步其中間二洞二小池一池連洞者二石似門者三泉滴於石不絕若絃者一石壁磴磴戴草者二遊必半日方竟康熙辛巳五月十七日記

### 朱貞女傳

節孝朱貞女江西高安人今家軍公軾之長女少司空李公鳳翥之家婦也李公子家駒嘗聘貞女未娶而殀云貞女幼惡華綵服加身輒驚啼稍長或以絳纒其髮捫得輒擲之地酷嗜書夜偕妹挑鐙繹誦不輟通四書小學周易毛氏詩禮記旁及史漢八家動止言笑必以禮不失尺寸王父母父母絕愛憐之時顧而太息曰惜女子也男也將亢吾宗矣性至孝以曲禮內則爲的膳飲必躬進父母食必侍立比徹乃去膳少減即惶怖憂形於色暮必手整父母衾席出立戶外俟卧乃休晨立戶外問安否起乃入事諸母咸得其歡然當女嘗宴笑時聞貞女至則寂肅斂容諸弟或嬉戲相訾謗戒勿使知或紿之曰至矣則皆走然貞女和愉婉婉實不知何以見憚也

家宰視學秦中。陳夫人歸卒於途。貞女痛絕。復蘇。泣血三年。龜勉理家政。撫教弟妹。勤且周。如陳夫人在日。歲辛卯。李公子登賢書。未幾以疾卒。訃至。家人秘之。貞女涕滂沱下曰。何等朴也。不使吾知者。吾知之矣。飲泣不食者三日。王母冷夫人喻其意。謂曰。吾知若志。願爾知禮者。獨不俟爾父命乎。貞女懼然起謝。復治食。家宰歸自秦。貞女恐傷父心。承歡若平日。越半載。乃申前說曰。兒不能常侍膝下矣。家宰以常理譬。曉貞女。哽咽曰。大人良愛我。兒志決矣。三日不食。不得已許之。旋進請曰。行矣。將何服而可。家宰曰。於禮無之。爾裁之以義。遂以常服行。登舟乃持服。李氏聞貞女至。舉家白衣冠號慟出迎。聲震地。鄰里皆雲涕。貞女從容謁祖姑暨舅姑如儀。適喪次一慟幾絕。眾皆雨泣。莫能仰視。廟見後。執婦禮甚備。事兩世姑嫜。猶在家事。王父母父母也。家人間往視之。則曰。歸語大人。兒無苦也。百年瞬息。未亡人侍盡而已矣。祖姑熊太夫人疾。衣不解帶者三月。叱卒。李公致書家宰曰。我羈京師。不能終侍吾母。賴家婦盡孝。君女也。刻骨難忘矣。時薦紳士大夫爭傳貞女事。當道欲旌其室。貞女聞之。請於姑。達之李公。移書峻拒乃止。且書告家宰曰。兒事非中道。自行所志而已。脫以名加之。兒滋惡矣。已而不抬草血。家宰曰。何自苦乃爾。對曰。偶不喜耳。然以是終其身。家宰自撫浙後入掌西臺。李公亦官京師。貞女往來兩家。每見內外臧獲。庀

飭動禱。即不問。知貞女至也。亡何。氛宰丁外艱。時以西陲用兵。

先帝方眷倚。奉詔奪情。再疏請終制。辭指懇激。賓友勸阻。萬端。貞女流涕曰。大人不得歸。雖官柱國。年上壽。猶無與耳。故姑息之愛。非所以全我父也。

聖主必鑒吾父之誠矣。累疏卒得歸。甲辰元日。鄰人不戒於火。延燒百數家。勢甚烈。家服倉皇。遽避。貞女端坐室中曰。死吾分也。吾豈嚙雜覺。避火求生者。眾惶駭。莫措。迨熊夫人破戶入。持出之。火遽息。是夏之季。氛宰聞仲弟訃。慟甚。嘔血不止。貞女歸省。私泣達旦。以是得寒疾。不令父及翁姑知。又不肯醫藥。曰。吾女子也。吾手何可令醫人診視。氛宰諭之。輒云無疾以解。弟戶部員外郎必楷。孝廉。堪泣請之。貞女笑曰。我豈畏死者。甯死必不於醫人指下生也。死之前三日。謂兩弟曰。吾何求哉。吾事畢矣。但恨不得終事吾父及翁姑。吾父及翁姑反以我死爲痛耳。又曰。我一生未嘗有寸金尺帛。加吾身者。死無負我。既卒。弟堪以喪歸。合厝於李公子之殯宮。時雍正二年甲辰十月六日也。年三十有四歲。

論曰。閨門王化之始也。余觀朱貞女事。可風焉。昔孔子作春秋。於婦人女子中。有東義守節。始終不回者。未嘗不大書特書。屢書而不一書也。隱公七年。書叔姬歸於紀。何休曰。叔姬。伯姬之媵也。媵。賤書者。終有賢行。能處約。全婦道。故重錄之。迨紀李以

國朝文匯

卷四十四

十九

甲

集

國學扶輪社印

鄒入於齊。紀侯大去其國。紀侯卒。書曰。紀叔姬歸於鄒。啖助曰。稱紀言紀之婦也。書歸善叔姬之全婦道也。又書紀叔姬卒。葬紀叔姬。賢叔姬皆以夫人之義書之也。成公九年。書宋公使公孫喜來納幣。公羊曰。納幣不書。何以書。錄伯姬也。季孫行父如宋。致女。公羊曰。致女何以書。錄伯姬也。又書曰。伯姬歸於宋。晉人來媵。衛人來媵。齊人來媵。公羊曰。來媵不書。何以書。錄伯姬也。至襄三十年。書曰。宋災。宋伯姬卒。叔弓如宋。葬宋伯姬。蓋是時伯姬之舍火。左右曰。夫人少避火乎。伯姬曰。婦人之義。保傅不在。宵不下堂。傳至矣。保未至也。遂逮乎火而死。胡安定曰。伯姬乃婦人中之伯夷也。王樵曰。所欲有甚於生。所惡有甚於死。一下堂而此足之。失不可悔也。故甯守義而死也。今朱貞女之事。可謂兼二姬而有之矣。叔姬以媵而東。節不回。喪滅之後。歸鄒以奉廟祀。春秋貴之。貞女未婚而守節。勤家盡孝。以全婦道。獨不爲春秋之所貴乎。伯姬以成九年歸宋。成十五年宋共公卒。又越三十四年而死於火。是時子平公立三十三年矣。六十老嫠婦猶守保傅之義。逮大以死。此其事正與貞女合。特大息不死異耳。其疾篤不使醫者診視。則事異而迹同也。左氏以共姬女而不婦。劉原父非之。以爲恒其德貞。婦道之至者。余謂貞女雖歸夫家。猶女子也。即以左氏之義揆之。伯姬之死。過而正者也。貞女之死。正而非過者也。余故曰。兼二姬而有之也。君子

之道過於厚。小人之道失於薄。不以己之可以偷生而失天下之常義。憂感死亡。造次顛沛。不一動其心。非安於性命者能之乎。在天則與日月爭光。在人則爲女中夷齊。此皆聖化之所涵濡。河嶽之所鬱積。朱李三家。又豈得私而有之乎。夫道造端於夫婦。家人睽。必始於婦人。易曰。正家而天下定。言正之必始婦人也。禮曰。禮始於謹夫婦。所以附遠厚別也。言別之厚者。禮之至也。思齊之詩曰。思齊大任。文王之母。思媚周姜。京室之婦。思齊故也。思媚和也。能敬且和。起化之本也。貞女不徒以奇節見。其和愉誠孝。雖肅宜家。有古人所難者。以此坊民。猶有婦姑娣姒之間。挾私財爭小忿。以喪其良。決其閑者乎。余聞貞女讀書能知大義。設誠致行。故其節孝。章章如此。今世之士。乃有終日呶呶。徒以課文藝。取世資。雖讀聖賢書。漫不知所學何事。至有背而馳之。弗恤者。異日得志。又烏能守道愛君。敬身勤民。爲國家有用之學哉。此又余平日所苦口疾呼。不禁因貞女發其蒙也。嗚呼。人固不可以不學哉。

### 盧孝子墓表

浙之東有盧孝子焉。諱必陞。字采臣。號玉茗。世居姚江。後遷山陰。祖諱極。生子五人。長諱芳。字南江。孝子之本生父也。次諱茂。字懷江。無子。以孝子嗣焉。孝子始生時。祖母張太君病甚。本生母朱孺人禱天自代。是夕夢神盈算。并賜爾孫。及覺而生孝子。

少時知孝敬有異敏嘗從學舍歸懷江公以新學生屬對即應聲曰古君子懷江公大奇之九歲南江公病思得蜩蟬矣孝子潛攜一筐採沙口爲風潮所沒得漁者救以竹筏筐終不釋手而蜩蟬滿貯申申之難流賊未殄懷江公負俠氣常仗劍獨行不知所往孝子聞即奔覓諸暨山中晝循林箐隱夜則崎嶇匍伏而行失道投僻路伏屍枕藉驚爲跣疾奔兩足爲沙石所嚙血縷縷漬地行跡皆赤遇一山僧憐之挾與俱遇虎匿高樹大呼山神救我虎竟去閱數月得奉父以歸士子土寇竊發懷江公陷賊營孝子匍匐探其穴贖以金不應繞岸哭三晝夜不絕聲賊感動爲引至父前時賊首毛袁二人欲得懷江公降脅以刀不從斬所俘者以示又不從賊怒拔刀環向刀欲下數次孝子冒刃叩頭血流大呼死命忽狂風四起大雨如注舟幾覆凶黨震駭乃得釋時賊中有倪姓者聞而歎曰真孝子也乘間逸之孝子既奉父生還逆知賊之必追己也即遣人馳報張太君盡室以行明旦賊果追之不及遂至九墩大索縱火而去懷江公既被重傷病日臻孝子亦改面失音恐貽父憂雖嘔血弗以告日夜侍卧側以兩手奉患處懷江公歎曰人奉我痛痛在我身汝奉我痛痛如在汝身其誠孝所感類如此先是孝子爲繼時懷江公有女忌分其貲百計傾之孝子處之泰然至是奉徐孺人命往雲間舟過石門盜擊之垂死盜曰爾死母我饗我奉某

命來也。孝子伴死盜縛而投之水中。遇富陽支姓者。救之得免。人或勸之訟於官。孝子泣曰。吾自出繼以來。蒙吾母恩育十有餘年。且母只此一女。故不忍以女故傷母心上書徐孺人前。自謝不謹被盜不及其他。徐孺人亟召之歸。母子相孝愛如初。以康熙丙戌七月卒。年七十有四。配李氏。以賢孝聞。子四賢。需次州同。宏道主簿。堅。浙江開化訓導。觀山西平陽府照磨。孫男幾人。雍正二年。浙江巡撫李公請旌於朝。禮部上其報。詔發帑金建坊。入忠孝祠。葬之日。侍講吳門習君既誌而銘之。漳浦蔡世遠表於其墓曰。古之論仁孝者。必歷之造次顛沛患難死生之交。而純摯乃見。西銘言仁孝之書也。因舜而及申生伯奇。推之至於無所逃。而後仁體孝心。膠結呈露。孝子覓父於崎嶇險阻叢山密箐之中。入賊巢。脫父於鋒刃鼎鑊之下。出萬死一生。不顧可謂難矣。迨嗣父已沒。女忌其分貲。使賊之中道得不死。嗣母徐氏未必深責女也。乃能致孝始終。纖微無介。其至性尤有大過人者哉。

傅介子馮奉世陳湯班超論

劉彬

傅介子馮奉世陳湯班超四人其事大畧相同然功罪各異而優劣亦可見矣介子奉使本有令責樓蘭之詔使介子當樓蘭初謝服時即執其王數其罪斬之既足以振國威又無詭誘之醜于中國無損也雖有擅殺之罪其功自不可掩乃彼已謝服釋歸則於法不當殺而復以利誘殺之司馬君實以爲賊盜之舉信哉而不來或刺而不中遺大漢之恥結樓蘭之怨示諸國以不信霍光無學固不慮此幸而介子所事復濟亦祇曰僅不辱命耳何功之有後人輒目以爲奇功是將指行險徼倖以貪功者爲奇哉義陽之封何其隆也馮奉世持節送諸國客適際莎車呼屠徵自立叛漢此於法當殺也奉世輒以節發兵不旋踵擊斬之非無功也而矯制之罪不能辭矣若陳湯則有可原者是時也甘延壽爲西域都護湯爲副都尉鄧支殺漢使谷吉既又遣使三輩鄧支皆困辱不奉詔其罪在莎車上此而不討而誰之討討之者非延壽與湯之責與湯初謀之延壽懼朝議不從湯遂乘延壽病矯制發諸國兵並屯田吏士乘城而入斬鄧支首送之京師內壯國威外懼諸國之膽而不煩一卒不費斗糧如劉向所云其功視貳師奚啻百之耶夫湯與延壽同爲邊將請焉而後動理之正也然請則不從湯固料之坐失事機良深可惜春秋之義大夫出疆有可



以安社稷利國家專之可也。而况湯身為邊將任外間之責者乎。是則湯之矯制矯之可原者也。班超以一介之使深入虎口。乃能先機決策。襲殺北使鄯善。舉國震怖。納之內卿。視奉世與湯功尤偉。且其後勲名事業爛然史冊。奉世與湯。嗟乎後矣。故介子雖非矯而失之不正也。奉世與湯可以矯而矯也。班超無庸于矯也。距跣之士。破拘擊之見。出非常之計。爲人所不能爲。爲人所不敢爲。以立非常之功。居其前者。信陵君竊符救趙。居其後者。虞允文調兵禦虜。而信陵爲已伸私情。允文爲國釋大敵。優劣又自有別。若就此數子而論。則班超尚矣。次則奉世與湯真奇功也。介子何奇哉。雖然亦非庸庸者流之可望也。若甘延壽。所謂因人成事者耳。而封侯居湯右。幸矣哉。

尹德毅論

出一語而關乎國家之成敗。發一策而繫乎宗社之安危。此天下之大計。惟上智之才能斷而行之。雖濟否在乎天。而行否實在乎人。吾嘗因尹德毅勸梁王蕭譽之謀。深惜譽之庸且懦也。當是時。逆景已誅。方智未立。今又新破江陵。蕭繹被殺。梁國無主矣。陳霸先王僧辯雖跋扈于建康。猶爲梁臣。譽欲復故土。恢復舊業。不于此時而更何待。萬不可失之機也。若用德毅之言。盡聚魏諸將。殲其遺類。收江陵百姓撫而安。

之然後朝服濟江入踐大位。晷刻之間大功可立。策非不善。譬方以魏待我。厚徘徊不忍。此真德毅所謂匹夫之行。既而後悔作賊。自悼抱恨以歿。何嗟及矣。夫德毅之心。即姜維之心。而難易微有不同。方蜀都既覆。在蜀者惟鍾鄩為難制。幸而父就檻車。會反已決。因勸會盡殺北來諸將。此維之心。亦會之心也。維密表後主云。願陛下忍數日之辱。臣欲使社稷危而復安。日月幽而復明。壯哉其志。天苟存漢。維必不死。殺諸將因殺會。復漢業于已墜。反掌閒耳。蓋因會之反就會。已殺會。土地人民猶我故物。故其勢甚易也。若德毅之時。魏以于謹宇文護為將。擁方勝之兵。壓境而處。諸將且未易盡殺。眾兵亦未易盡阮。萬有一失。禍不旋踵。是惟雄才上智如漢高光武。唐太宗輩。抑或貪暴殘忍如白起項羽曹操輩。始能果毅疾行。以成必濟之功。若蕭警中材。必不能出于此。故其勢較難也。夫姜維之計可行而方行而先死者天也。德毅之計可行而不敢行者亦天也。而吾不謂之天矣。是時之策。有不必出于殺將坑兵者在。抑為其次者。則當勸梁王明言以告于魏將曰。下國不德。骨肉相殘。幸藉上國寵靈。雪我之怨。死且不朽。惟是江東我之舊業。先皇宗廟所在。而蕭氏不絕之系。惟予小子。今願憑仗軍威。復我疆土。修我寢廟。興滅繼絕。視此舉矣。以梁之故主。收梁之故業。諸將必許。于是留魏軍暫駐荊州。以助聲援。而自帥將卒來勢疾趨。順流

東下。陳霸先且欲立方智者。甯有見誓而不俯首聽命乎。江東基業。談笑復之耳。是亦其次。乃德毅不再計及于此。誓亦無意恢復。坐失事機。終于不振惜哉。

宋不取十六州論

興師大事也。復地大計也。勞心積慮以圖之。尚恐無成。未有無意爲之而能成者。燕雲十六州。自石敬瑭陷于契丹。歷宋藝祖至徽宗。凡七君百有餘年。終不能復者。非不能復也。無意于復也。何以見之。當藝祖之世。取吳取蜀。取荆南。取南漢。取南唐。兵無一日休。若吳越則無隙可乘。北漢則兵力不及。故姑置之。心固未嘗忘之也。至于十六州。匪特力有不及。蓋心實有所不在。一若爲契丹所固有。並非中國之土地。人民者。又嘗以幽燕地圖示趙普。但問取守之人。曾不議取守之計。已可知矣。李煜猶中國之君。江南猶中國之地。尚曰卧榻之旁。豈容他人鼾睡。契丹顧非他人乎。十六州之地。顧非卧榻乎。十六州之不復。實由藝祖始之耳。太宗繼立。使果有志于此。則當于取太原之後。練兵儲餉。預爲經畫。俟吾力充裕。然後乘隙而動。選宿帥如曹彬者。責以重任。誓以救民之心。敵雖狡悍。計其地較其人。不過中國十之一。其能當天。下之全力乎。而太宗本無意于此也。及太原初定。乘勝妄進。先無預定之謀。適值强弩之末。躁動欺敵。將以視繼元者。視契丹。驢車走免幸矣。夫以南唐陰險將暮之國。

藝祖猶圖之數年而後取。況契丹之強數倍于李煜。太宗之才遠劣於藝祖。欲僥倖于一旦可乎。既而大名關之敗。又欲徑取幽州。何太宗之屢輕于自動也。若岐溝之敗。論者歸咎于曹彬失律。夫退師援糧。兵家常事。且彬身爲大帥。數十年戰勝攻取。素稱有將才者。豈智于前而闇于後耶。良由任以專閫。則操縱得以竟其畧。處以偏佐。則進退因以重其尤。偶有債事。遽爾召還。致兩路之師皆覆。乃太宗用兵輕率。不能專任之過也。又攷此二役。一則因遼主引還。一則因賀令圖父子上告。倉猝妄舉。皆非有決策于素日。故李昉一言而引歸。岐溝一敗而輒止。豈真有復地之心哉。由是遼兵屢犯。復陷蔚州。裏州。掠邢州。深州。德州。陷易州。張洎建三鎮之策不用。而宋琪李昉王禹偁之流。倡爲修好講和之說。如一大毒藥。宋之君臣視爲珍饈異味。累代因仍。饜飫醉夢於此。以自腐其肝肺。以至于亡而卒不悟。悲夫。澶淵之役。設非寇萊公廟謨制勝。了此事于談笑樽俎間。則幸成都幸金陵。張皇失措。傲飲之禍。早見于今日矣。然是時敵氣已奪。軍威方振。寇準欲遂擊之。使隻輪不返。真宗且以厭兵聽和。遣議歲幣矣。高粱河之時勢不可來也。太宗以輕舉致敗。澶淵之時勢可勝也。真宗以畏懦失機。迨和議一定。南北通好。而宋室積弱之勢成於此。十六州終無可復之機。決于此矣。夫求和者契丹也。反欲索幣。許和者宋也。反欲輸幣。堂堂中夏。若

國華社印

防海

忠士奇

防海之法莫詳于宋。有海軍。有海船。有海道。其海軍則鎮江沿海水軍。江陰水軍。明州水軍。平江許浦水軍。建康靖安水軍。唐灣水軍。池州清溪鴈汊控海水軍。其海船則有刀魚。多槳。凌波。海鰲。水哨。馬雙車。得勝。十棹。大飛。旗捷。防沙。平底。水飛。馬之名。其海道則泰州石港。壽春花。屬通州料角。崇明平江。南北洋。秀州金山。明州向頭等鎮。蓋其大畧如此。而防海之法則又有可得而詳者。大約荆湖之寇。負峒爲固。江浙之盜。憑海爲居。峒有溪谷之深。林菁崖壁之阻。往往仆巨枿而渠荅以守。官軍攻之。陘則限而入。高則緣而登。非踰時不得達。其人習險而善走。捷如猿猴。擒一竄百。非踰歲不得平。及官軍退。則又出而劫畧郡縣。殺戮居民。故荆湖常被其患。而海有風濤之險。颶風驟雲不測之虞。其人生長於水。而識習水性。踏浪如踏土。使船如使馬。乍東乍西。時聚時散。及其鉤致蕃舫。採取婆娑。則什伍爲羣。一呼而集。其行如鬼。非可跡而捕也。然巧于水而拙于陸。一登陸則成擒矣。故常覲觀望。陰結土人之桀黠者。而啗以利。使之刺探虛實。或陰遣其黨役于官。費于市。以爲內應。率常數歲一發。其患雖小於峒寇。而治之爲尤難。是以宋之治峒寇也。以賊攻賊。而治海寇也。以盜防盜。王居安知隆興府時。盜羅世傳。李元勳。嘯聚黑風峒。居安駐師廬陵。會元勳

俘賊以獻。居安厚賞之。衆皆悅。而世傳疑元勵威已遂交惡。未幾執元勵求降。而世傳亦死。峒寇平。此以賊攻賊之法也。沈作賓知平江府。兼制許浦水軍。郡有使臣。故海盜也。作賓使招其黨。既至。慰勉之。賜衣糧器甲。得強勇千人。統以將。號曰義士。復募惡少千人。號曰壯士。輕捷善鬪。倍官軍。由是海道不警。此以盜防盜之法也。人情思患則不及。圖利則過之。見利之在前而不見患之在後。故有背鄉里棄父母捐妻子而從之者。然均是利也。此則有利而無患。彼則利一而患十。則其去彼而就此。必也。且彼能以利啗之。而我獨不可以利用之乎。有司徒知貪之足以敗類也。于是鋤姦剷暴。操三尺以從事。而莫知暴可翼。姦能衛良。故盜常蔓延不絕。當略倣作賓之法。而賞其宿負。署以上官之吏。其不願者。則籍記而縱舍焉。因類推迹。益招其餘。而擇魁健者爲爪牙。狙詐者爲耳目。鉤之以隱。則得其情。激之以賞。則得其力。開之以誠。則得其心。洗磨拔拭而用之。則彼且喜且懼。不敢爲非。而盡得賊中之要領。如此有不發。發則未嘗不備。而又何海盜之足憂。且海盜非天降而地出也。又非若猛獸居深山而龍蛇生大澤也。田橫聚衆。高帝招之而來。赤子弄兵。潢池襲遂安之而散。况海島無田橫。而潢池皆赤子。焉用淫刑以逞哉。

## 荒政議

荒政之弊有四。一曰勸分。二曰抑價。三曰遏糶。四曰行粥。古者千室之邑藏千鍾萬室之邑藏萬鍾是以勸富分貧而食自給且貯米於囷一歲而陳藏穀於廩十年不敗吳民爭旦夕之利惟恐弗及而莫有爲十年之計者故江南無藏穀之家有田數十頃米數十囷僅數萬家之一分一家無以給數萬家而一家先受其弊富民貧之母也病其母而不能活其子亦何利之有焉此荒政之弊一也凡物多則輕少則重是以古之爲國者多則歛之使重少則散之使輕未聞有抑價者良以價不可抑而平也江南既無藏穀數十州之衆咸仰食于商則米商實爲民之司命彼價重則全集價輕則轉而之他視利用趨四方無擇也抑價之令下則米商以折閱而莫至吾恐米益乏價益騰躍將使菽粟如珠玉其誰能抑之且抑之是教民爭也桀黠之徒必有挾持憲令起而強糶者姦宄亦將嘯聚飢民乘時攘奪則盜賊四出而莫可禦此荒政之弊二也菽粟之流於天下猶血脈之流於一身流則通遏則壅其理易曉况一郡之儲有限而天下之積無窮不能通無窮之積而徒遏有限之儲其壅也可立而待或曰遏糶所以防海也防海之法嘗聞之矣今不思所以防之之法而遏糶是聞吾恐海人之糶者自如而徒使平民搯手觸禁也此荒政之弊三也先王行糜粥以順時令而非以救荒東漢嘗行之而民多餓死良以胥吏乾沒賑恤有虛豫以



石灰抹以糠覈名爲活人其實殺之又壯者得歎而不能及於細弱羸老之民近者得哺而不能偏於深谷窮巖之域活者二三而死者十七八矣且卒數千人而行粥於市則氣之所蒸將成癘疫衆之所聚必有姦偷其患不細惟閭里長厚者可施之一鄉而非有司之所宜行也此荒政之弊四也余以爲勸分不若開渠抑價不若通商過糴不若廣糴行粥不若釐戶宋汪綱知蘭溪縣會歲旱躬勸富民浚堰築塘大興水利餓者得食其力全活甚衆此開渠之法也浙東饑宰相王淮薦朱熹爲提舉常平事以振之始拜命即移書他郡募米商蠲其征及至則客舟之米已輻輳民以不飢此通商之法也江右饑旱棄疾榜通衢曰閉糴者配強糴者斬召官吏儒生商賈各舉有幹實者貸以官錢蠲其息俾出糴他郡期終月至城下發糴由是連檣而至米價自平此廣糴之法也江東旱提刑史彌舉以爲振荒在得人俾釐戶爲五等甲振乙糴丙爲自給丁糴而戊濟此釐戶之法也顧在於今則猶有難行者常平廢而廣糴無本錢關稅重而通商無厚利釐戶則胥吏上下其手而貧富不均開渠則富民靳固其財而怨咨或作惟益損古人之法而裁取其中商權今日之宜而務先其急則四者皆可行也江南素稱澤國環三江跨五湖橫爲塘縱爲浦支爲漚爲蕩爲濬所以引灌溉也堰以瀦之隄以束之牐以時而啟閉之所以節水旱也今堰牐

不修而支渠淺澁。水至無以泄橫流之潰。水退無以溉高仰之田。故雨則溢而旱則涸。當勸富民計畝出錢以給下戶。俾廢者修。淺者濬。而益深焉。則貧富兩以爲便。救一時之患。而成數百年莫大之功。則開渠之法可行也。今山東豐而荆湖熟。江南赤地千里。貴者金賤者土。則漕輸之利。權在米商。或不能蠲其征。當半減以招之。則楚帆湘舵銜尾而來。大艫高檣。泊於水市者。相望也。物聚價輕。又爲用抑。則通商之法可行也。廣糴之法。當聚耆老及鄉先生。舉富商之謹愿者。假官錢爲本。而使出糴。荆湖糴十而糴二。則有二分息。糴三則有三分息。以本還官。剖其息而中分之。半賑飢。半予商。而稍優其直。其餘則略倣真德秀之治澤。而立惠民倉。卒棄疾之治福。而置備安庫。以爲水旱盜賊之防。則廣糴之法可行也。釐戶之法。當倣韓琦河北救災政。而擇甲戶之以貲爲官者。憲司禮請之。屬以計口均戶。而分五等。每縣若干都。每都五人。視民居稀稠。而增減其數。復授之粟。而屬以親至某鄉。聚民均給。人日一升。幼小半之。十日一周。終而復始。至麥熟止。仍分糴粟之所。給粟之所。俾均主之。而有司總其成。如此。則以戶均戶。以民振民。既不侵牟。亦無掣頓。且人情各愛其鄉。而又恐負憲司之意。必相與慙慙從事。而惟恐不均。則釐戶之法可行也。蓋荒政大略如此。若夫以實心行實政。則存乎其人。

宋高宗論上

古有父子采山而遇虎者。虎趨父。危不得脫。其子直前搏之。虎釋父而子亦免。當是時。其子之視死也。輕於毛。視虎也。小於鼠。其志決。其氣壹也。且彼豈能逆料其不死。而僥倖於萬一哉。以爲與其立而視父之死。甯父子俱死於虎爾。金人盜中原。劫帝后而北。此誠高宗搏虎之時也。當躬率六軍。檄召天下之勤王者。而告以二帝不還。義不獨生之意。於是流涕環甲。而與金人戰。一不勝。再不勝。三不勝。則空國而出。以示金人必死。天下孰不前角後擁。左控右扼。四起而赴國讐者。或曰。高宗屈膝請和。以爲親也。不失爲孝。噫。此何事。而可屈膝請也。稽首於虎之前。而請父。請雖哀。其如虎何。或曰。金強宋弱。宋與金鬪。宋必亡。且人心去宋久矣。高宗保國息民。不亦可乎。噫。何其悖也。天下豈有無父之人。歟。使天下皆無父之人。則可。天下無無父之人。則有不以高宗之心爲心者哉。人之論恢復也。以勢。我之論恢復也。以心。漢亡而人心之思漢也。如嬰兒之失慈母焉。故凡劉氏子孫。皆足以定天下。宋亡而人心之思宋也。不如漢。徒以劫帝后立叛臣之故。於是天下之心。積而爲憤。乘其積憤之勢。而激發之。則在乎一人而已。故非高宗不足以定中原。且其事不可謀。諸羣臣議和議戰。相持不決。而天下積憤之勢。一彼一此。勝負無常。而天下南北之形成。過此

以往雖有百韓岳不能與之爭。復讐之義不斷於建炎之初。而講於紹興之末。是猶父死於虎。其子嗷嗷然從而哭之。不已晚乎。是故千人之狐疑。不若一夫之致死。延安李世輔一亡將耳。誓雪家讐。旬日而兵益萬。海州魏勝一武夫耳。志圖收復。旬日而兵數千。彼皆出萬死不顧一生之計。而以大義激發人心。故夏人不敢追。金人不敢犯。高宗濡忍銷兵。無致死之心。其臣聒而與之語。復讐之義。吾知其無能爲已。春秋君弑賊不討。不書即位。說者謂臣子之心不忍言即位。非也。猶曰國無君云爾。建炎之初。尚可謂宋有君哉。

### 王安石論

天下無良藥而有良醫。自古皆任人而不任法。良藥足以殺人。良法足以病民。及民之既病。而咎法之不良。何異於醫之殺人而罪藥也。豈不惑哉。世徒咎王安石行熙甯之法。使毒流百姓。而不知熙甯皆可行之法也。特安石非行法之人。故法卒不可行。而民受其病。古之善變法者。莫如齊之管仲。鄭之國僑。是時高氏國氏鮑氏及七穆之族。與寺貂雍巫伯石豐卷公孫黑之徒。比肩林立。蹙額盱衡。左顧右視者。相環也。仲與僑以賤有司而操國柄。欲盡改前人之舊。而從我法。其勢必不服。不服必並起而攻。並起而攻。不身死國亂不止。法未行而禍已隨其後矣。然則仲不獲鮑叔不

能行法於齊。僑不獲子皮。不能行法於鄭。天下之禍患。嘗始於一二人。而蔓延於眾。君子不能使眾皆悅。而先有以服一二人之心。一二人服。則眾莫敢枝梧。其象在易之大過。棟隆吉。棟桡凶。爲政者亦惟務隆其棟而已。鮑叔子皮。棟也。韓琦富弼。獨非棟哉。功在社稷。澤在生民。一身之進退。天下安危係焉。所謂隆則吉。桡則凶也。安石受知神宗。驟躋政府。無左右朋比之奸。有二三老成之助。苟能推誠協和。同心一德。揆天下之大議。主天下之大公。行天下之大政。則天下雖有沮我法。謗我法者。亦將渙然冰釋。而無疑。乃身方進而二人皆退。已失天下之望。而以議論抵牾。輒肆排詆。欲放流之。而後快。則天下愈益怒。而法安得行。一時切且敢言者。亦斥逐殆盡。顧引險詖傾側之人。以自輔。是既桡其棟矣。又毀其榱桷。而之以朽槁之木。其不勝任也必矣。且仲之相齊也。導君以禮。僑之相鄭也。行己以恭。安石既處孤立之地。而欲以剛果持之。其能有濟乎。吾故曰。熙甯皆可行之法。特安石非行法之人者。以此也。然則爲安石者。盡反其剛果。而易以柔和婉順。異從取悅於眾。若是則法可行乎。曰不可。一良醫發藥。而與數庸醫參之。則終日相持。而莫能已病。然則若何而可。曰剛以自彊。和以接物。

## 司馬光論

宋興自建隆至治平其弊在乎因循玩習自熙寧至紹聖其弊在乎顛覆紛更二者皆過然百有二十年而法不一變二十有六年而變法者三則因循玩習猶可以枝撐不至於大壞而顛覆紛更之禍爲尤烈焉蓋其始安石激之以怒衆其既溫公矯之以悅衆而章惇蔡卞之徒遂假之以亂衆萌乎激成乎矯卒乎亂激非也矯非也唯其平而已矣舟西傾而挽者東之其覆也不踰時樹朝種而夕移其禍也可立而須故君子平其政而不期其效熙豐之政青苗市易罷之是也若夫雇役保甲將兵及西戎之議行之熙豐則爲四害守之元祐則爲四利驟而更張之則爲四害徐而損益之則爲四利雇役行而人脫里正衙前之苦孰不爲使特以預定一路之數而收二分寬剩故下戶病之當計畝輸錢而蠲二分寬剩則役不擾農而下戶無追呼之病矣有兵而無將與無兵同有將而無法與無將同所以治平以前養兵百萬天下猶患兵之寡保甲以肄武而教之不時置將以領兵而統之不一所以熙寧以後併軍蒐卒天下猶苦兵之多患兵之寡故儂智高一呼而東南十二州皆潰苦兵之多至於執指使逐巡檢攻提舉司監當官此已然之明驗也當隸保甲於郡縣置籍以課殿最而統兵於將春夏在田秋冬教閱盡罷提舉司及部隊監押管官則盜賊不作而天下皆訓練之師矣西戎自元昊寇邊竭天下民力以奉關中而猶不給及

劉平敗於三川。任福敗於好水。葛懷敏敗於鎮戎軍。當是時。喪師與尸者。道相屬也。有能得一堡一砦。不吝千金之賞。諸將束手相顧。而莫敢誰何。西戎遂有輕中國而吞關中之志。其後神諤取綏。王韶取熙。李憲取蘭。號爲斷西戎之腰。雖宋用憂勞。而西戎亦敝。當遣良將以鎮撫之。廣營田。嚴烽燧。毋喪前功。毋開後禍。則邊警不生。而天下無風塵之警矣。漢武帝用言利之臣。盡更高祖約束。開邊塞。立平準。管榷。天下盜賊並起。博陸東政。一遵武帝成規。唯罷不便於民者。而天下遂以無事。兩魏素稱良相。在位亦無所建明。而匈奴入朝。兵革不用。其故無他。武帝變之於前。昭宣守之於後也。使溫公當日。無赫赫以立天下名。無汲汲以赴天下望。靜而鎮之。使自定之。因而修之。使自由之。一推本於神宗之德。而已不與焉。則章惇蔡卞之徒。烏能假紹述之說。以亂天下哉。惜乎疾惡剛而圖治銳。又不克久於其任。故天下利害未及周知。而其心亦足以白於後世。至病且革。猶諄諄獨語。所言皆天下大計。嗚呼。其尤可哀也夫。

株溪先生傳

張大受

先生魏姓著名明之字也先世官江西南昌因家焉再徙建昌府廣昌縣之株溪父復禮光祿寺署丞後其叔復禧年二十爲縣學生崇禎丙子貢入太學授中書舍人值世亂棄官歸居水斗砦砦離株溪十里山谷峻險可避賊糾其族居砦中縣人相依如市先生有族孽在砦通賊爲亂孽殺族中數輩守將杜承芳奉檄圍砦賊聞道逸去承芳將入砦賊其人獨素善先生當是時砦中人相聚號泣待死先生徒跣謁承芳承芳南鄉坐執訊數十人于帳下氣張甚見先生竊喜屏人語曰若不來予方爲若謀授以令箭曰持此歸護而家先生曰某非獨爲一家來砦爲賊所躡賊今悉遁獨良民在耳某一家活而忍無辜者咸就死乎承芳頗感動然察其下皆利砦先生乃破產得千金爲承芳壽而以三百金賂其左右兵入不戮一人不污一女砦中千餘家皆脫湯火登衽席先生力也先生家素封自少至老行德施惠至老躬樸不能自贍鼎革後不復仕辟福建邵武府推官辭不就獨喜飲酒至醉不亂時時賦詩即事寓意禍散佚不復顧屏蹟株溪不入城府晚更遭亂事欲致先生先生年老而志益堅確然理亂禍福之外不可拔也予方泰請寫先生像先生慨然曰置我邱壑間科頭箕踞不知漢晉可也先生生于萬曆丁巳歲卒于今康熙庚午年七十有四子



五人方泰其第四子甲子鄉試第一與大受交盡知先生本末因爲之傳贊曰  
明李江西士大夫以忠義著者甚多先生位卑守正隱居株溪五十年聞其風皆興  
起豈非逸民之冠與記稱有功德于民則祀之當守將圍砦砦中人旦夕死先生傾  
其家財周旋生殺呼吸之間千餘家蒙一人之力保其後必昌過株溪者拜其廬涕  
泣而思其德也

邵陽康君墓表

邵陽康君諱乃心字孟謀由縣學生拔入國子監康熙己卯陝西鄉試舉第五試禮  
部不第丁亥六月君年六十有五卒于家予時居京師聞其訃悲傷之不已蓋予耳  
熟君名讀其書慕其爲人慨夫賢者不多得關中之遺獻歸然獨有君而竟云亡也  
又三年其子縣學生元疾以書來請云先生知先人久矣先人平生文章傳播人間  
行已特立有千載之志未嘗以窮少挫所交皆當世巨公長者以不及見先生爲恨  
舉先生文以教訓子弟今先人已在壤惟大書以表之俾德潛而更光惟世世不敢  
忘按君弟緯次君行實及襄城李禮山來章所撰傳曾祖諱先民舉人知山東臨邑  
縣祖諱國祚鴻臚寺序班父諱姬克縣學生君自少勤頌讀舉筆不屑諧俗試輒冠  
其儔尤留意理學經濟之書是時崑山顧亭林先生抱絕學往來關中與李王諸君

子讀書講道。君與之遊。司土之吏。及輜軒所過。無不望風式閤。君時侃侃陳利弊。有功于人。立高元聖碑于新村。復子夏祠。祀朱子於雲臺觀石。平生所為文章。無不慷慨遠懷。讀之興起。而題秦莊襄王墓詩。尤為新城尚書王公驚歎。錄之秦蜀驛程記。己卯鄉試。經義論策。皆有源委條理。海內共傳誦也。居親喪盡哀。待師友患難死生無間。家貧而自守甚峻。

天子幸陝西。詢其鄉之賢者。給事中劉公蔭樞以君名奏。左右侍從之臣。多欲薦君。君處之冲然。有貴人踵門納交。君謝以病。不苟求合也。修韓城平陶二縣志。著毛詩箋。家祭私議等書。娶路氏子元疾。能讀書。繼其先業。嗚呼。君有篤實耿介之性。可以廉頑立懦。有蒼深典健之才。可以復古振今。一舉于鄉。而竟不遇。名聞于在上。而不及待其用。豈蒼生不當蒙儒者之效。與抑聞然修行于鄉。其流風所漸尤遠也。而今已矣。君同里編修慕莘先生。與予同姓。風義卓然。獨稱頌君不絕口。巡撫陝西鄒御史鄂海公子達禮。為予言邵陽康君。秦中之師表。沒之日。泣然誄之。君為人所敬愛。而雅服之如此。聖朝獎善勸學。必有旌其身後之典。一二執筆領史局之臣。方錄其實行。予與君相知于性情文字之中。序次本末。勒諸墓石。庶幾表君之幽。以慰其孤之請。過者覽之。其能無悲也哉。

看山樓記

徐用錫

維揚馬君解谷及難弟涉江英年嗜學好古與其友汪子被江撥揚幽遐重雕宋轍將湮廢之書修治別業貯經史子集及法書名畫藝林所稱為小玲瓏山館也今年夏被江舟行五百里訪余談次述馬君於山館左右掘井泉蒔花竹翼以軒楹前起小樓扁之曰看山蓋取唐姚秘監題田將軍宅近砌別穿澆藥井臨街新起看山樓句欲得一言以為記余迂陋無似獨愛看山與居閒趣寂為宜馬君處煙花迷離之場可娛目者何限而喜看山乎詢其所看之山被江笑曰過江山色亦雲煙杳霭間取其意而已余曰有是哉看山一也得其形不若得其意得其形以山為主而看者遇焉則有局乎山者得其意以看者為主而山會焉則有進乎山者不識廬山真面目只緣身在此山中得其形者似之米芾東籬下悠然見南山得其意者似之憶余平生途次所看之山自齊魯至燕出居庸北抵晉由趙魏歷襄荊鄖西界蜀過嶺南逼粵西黔中矣若往遊可指數者如京師之西山房山保陽之葛公山黃州之赤壁樊山襄之峴萬鹿門龍山習家池山永州磨崖刊中興頌之浯溪山柳州作記之姑錡潭西山秀巖若新安之黃山壯偉磅礴若武當五嶽陟嶺者二曰泰曰衡徐泗吳越近地不與焉歸八年矣終歲兀然一編盤桓一畝之宮宅旁隙地兒子種竹木十

五年鬱然成林。儼構小草閣。西北六十里外。望邳之岵山。卒以貧不就。雖遠山一族。不能為我有也。於馬君之所起。能無慨於中乎。雖然。余平生所看者多矣。曾無一能為我有。何必岵山。若高下遠近。淺深清曠。夸坦秀奧。瑰詭之狀。其實心盡在閉目時。則凡平生所看者。俱為我有。而岵山烏足道哉。人心之無定也。局乎中而蔽於前。一舉可以障泰華。中有所得而觀其會通。方寸可以運五嶽。我與馬君得共觀之者。則進乎山矣。得其所以觀之者。又進乎觀矣。於已取之而已。聖人象兼山而名卦。陽上陰下。止其所當止。而極乎靜。體立而用行。良其背所云者。廓然而大公也。行其庭所云者。物來而順應也。馬君不獨笑余昔之局於形也。而且有會乎意之表。怡神定性。以與道俱。則其所看者遠矣。詩曰。高山仰止。心嚮往之矣。

王獻我傳

王公名策。字獻我。順天霸州文安縣人。父應霖。明萬曆庚辰進士。官至湖廣參政。應霖弟應期。萬曆乙丑進士。官至刑部郎中。策舉萬曆庚子鄉試。為山西太谷令。有惠政。罷官里居。崇禎戊寅。本朝兵圍文安城。勢甚劇。人知城必陷。紛紛各以其孥出。公獨毅然曰。同為王臣。里居何殊官次。棄城倡逃可乎。諭子孫家人有走匿者。不忠不孝。辱吾莫大焉。舉家惴惴。知必死。凜公言。莫或貳。城陷。公朝服坐廳事中。兵入。厲

聲罵遂遇害。妻妾子孫男女僕婢大小近百口。無一免者。公三子長層城。次礪。三添丁。層城添丁從公死。礪燕先亡。婦郭氏棲居。雄縣光祿卿存諫女也。光祿憐愛女。其城危時。知公剛執難辭。說令其子潛迎女。不告公。繼城去。公既知。怒甚。遽為書絕之。繼送郭曰。吾家誓不留此。臨難苟免之婦也。兵退。郭氏歸。徹後廳材為三十餘觀。以飲葬焉。茹貧守志三十餘年。以壽終。余識公族孫坦。道其事。未有紀述。恐其久而湮也。因為之傳。坦質慤。非妄語者。坦以康熙乙卯舉於鄉。由中書典籍秩滿。謁選得雲南永北廳同知。

贊曰。戊寅去甲申國亡。尚七年。公非守土官。仕不登朝列。分可不死。縱其身曾膺一命。子若孫獨不可脫其一二。以存宗祀。彼以其家再世祿食。義不得偷生。死守所見。甘為傾巢破卵而不顧。雖賢智之過。要其篤於人倫。激厲廉恥。所以伸正氣而翼世教者。關係非小也。聞公好讀書。端居如神明。買書歸。雖數百里。必令人端拱奉持。不得傾側。戒治田灌園者。不以糞污吾穀蔬。歎收不悔也。其固僻嚴潔。出於天性。非故矯激以收聲宿名者。公之高祖原為孝子。以父早逝。苛徭不歸。七歲便欲往尋母。苦禁之。勉至娶婦。數日後即出門。誓死不得父不還。艱辛瀕死。傭丐十餘年。卒感神祐。得異夢。與父俱歸。然則公之風義。固有所自來矣。明季高陽孫相國。定興鹿太常。皆

以家居赴縣守城死。明亡。清苑張光祿殉難。舉家投一井中死。或倉卒就義。不傳於世。如公者。尚有燕趙多感慨悲歌之士。流風所漸。遠矣哉。

陳烈婦周氏碑銘

烈婦周氏。雍正七年正月。歸陳國棟。九年三月二十日戌時。年二十六。殉夫死。去其夫之死五十日。死一也。烈婦獨靜且安焉。貞夫一而五性全。初不亟。久不沮。嗚呼。異哉。夫既死。計為夫將來立嗣。盡二月。待其夫之姪男至。苦以故。付以嫁時衣飾。以是累君。其父隔江來。白其志。訣別焉。抑何仁也。其父勸無死。烈婦曰。陳氏無舅姑子。女將何依。隨父歸人。必曰。陳某妻。謀再醮去矣。辱孰甚。羞惡嚴。故取義決。議既定。明日。遽沐浴。紉綴其衣裳。極周緻。顧語人曰。殮時。幸毋以寸絲易吾衾麻也。其守禮凜然如此。吞金至五錢不死。羸憊久。餌大黃若干。冀暴下氣脫。反下所吞金。又不死。粒米勺水不入口。已十日。自勒。手弛不死。凡前後二十日。卒餓死。以遂其志。而立其信。或謂盡存身以撫望立之後。烈婦智者也。智者不以未來失常機。夫人情莫難於死。古來學士大夫。勇壯男子。轉身懸崖者。何限。烈婦匹婦耳。惟見一死。如奉大君之敕令。不可易也。如火之熱。如水之寒。不容已也。似陰有撓之者。以標其誠。崎嶇延迴。而訖不失。諸正鵠天之命。人之性。可以觀矣。天經民彝。不於此益信乎。烈婦上元醫士

鑑侯女。國材。江都縣民。葬有誌矣。余舊史氏也。宜書其事。銘諸墓上之碣。用微顯而  
聞幽焉。銘曰。

怒風拔木兮。雨為血。四海水立兮。霹靂咽。腐鐵石兮。光日月。路繩直兮。天地濶。閉目  
心帖兮。萬古畢。

關象山記

張侗

庚寅三月望。予初度。灘渚。桐野。遲霜潭。上為壽。凌風西去。亂潮河。躋璇雷峰。日午。維扶雲雙峽。峽容尺。九石塞之。灝水旋入。化為千尋雪練。連峰倒摧。其下龍湫也。酒三觴。取鐵笛。迎風數弄。瀑水中驚起一行白鷺。灑雨霄漢外。桐野曰。此上迴瀾疊浪石。門授受不窮。試沿溪往。梯絕壁。躡殘虹。逾三二里。至卧象額鼻中。有三小兒八九齡。支釜甬石上。湘潭水香透林木。揖余乃前曰。此間巖歌峰園。外人不得入。入不得出。客從玉輦來耶。日暮行且遠。可飽食去。予笑兒亦笑。桐野復大笑。於時谷風卒起。吹開桃花千樹。紅雨參差。內失三小兒所在。其地即今之大光明藏。以祠霜潭王者。後二十二年。天緒始鑿竇入。若嶂若洞。若潭水。指數類家珍。嗚呼。武陵不有漁舟。桃花源難大。固時時謝人間也。己未秋八月。再過雪音臺。為之記。

蓬萊閣記

水城在遼海南。北枕崇岡。雄堞盤空。立倚叠曲曲。若掛帶一圍者。城之內山五之二。海八之五。臺榭舟梁蔽山海七之三。城東北缺起水門。吞吐魚龍。酒隄漁棹。視潮汎為低昂。緣水門級而上。北折穿女牆。東得庵。懸懸若贅疣。額潮海。海潮輦雪來赴水門。不納。回潑袈裟盡滙。緣酒隄東北折。級而上。得白雲宮。海藏級而上。得閣。閣百尺。



熊熊天半。雲亂霞忙。疑蜃噓氣為樓。欲成未成時。予登焉。撫欄北望。見竹山沙鷗諸島。偃蹇如老翁。揭衣濡足。逆客滄波上。彌眺西東。天水相涵。日月出沒。一勾中。是即所謂蓬萊也。耶。方壺瀛洲。連茲幾許。問之後為丹崖。拔浪千尋。欲投竿。裊裊不能下。崖之左二里為彈子窩。石數十武。至乳竈。石之右半里至覺瀾。至鷗島。聚路絕。捫蘿梯虹。達於庵。